



潤州鄒氏宗譜卷之三

藝文引

曲臺祭統篇云先祖無美而稱之是
 誣也有善而弗知不明也知而弗傳
 不仁也為子孫者固不肖自蹈於誣
 然不明不仁耻莫大焉吾家先世舊
 文手澤俱貯宗孔公房內殿後篋笥
 散佚罕有存者茲廣為蒐羅亦十之

一二爻登梨棗垂示來茲緬世德所
留貽備一家之掌故不明不仁殆知
免矣

潤州鄒氏宗譜卷之三目錄

藝文

家傳詩

像贊

壽序

記

墓誌銘

誄辭

祭文

家傳

迪其公傳

余京

節孝吳孺人傳畧

郡乘

繼成公傳

余京

慧中公傳

蔣宗海

鮑叅公傳

王文治

樸齋公傳

洪亮吉

樸齋公傳

載入邑乘

萬廷蘭

包太夫人傳

姚 鼎

李太夫人傳

羅 琦

釀仙公傳

胡永湛

節孝楊太夫人傳

蔣宗海

肇礪公傳

世九文瑛

象坤公傳

姚 鼎

景韓公傳

嚴士鉉

若人公傳

世九文瑛

像贊

始祖鎮公像贊

王文治

始祖鎮公像贊

世八光國

始祖妣像贊

世九文瑛

靜菴公像贊

世八光國

承菴公像贊

冷士崑

汝純公像贊

笄重光

迪其公像贊

余京

繼成公像贊

余京

慧中公像贊

鮑之鍾

鮑叅公像贊

戴岷

樸齋公像贊

張潮觀

壽序

慧中公七十壽序

宗紹葵

樸齋公八十壽序

張明謙

樸齋公八十壽序

戴錕

包太夫人八十壽序

慶格

包太夫人八十壽序

吳璵

徐太恭人七十壽序

何佳玟

李太夫人六十壽序


吳錫麒

李太夫人七十壽序

蔡之定

李太夫人七十壽序

吳璵



景韓公七十壽序

阮元

景韓公七十壽序

胡稷

記

肇禋堂記

附宗祠聯額

王文治

李太夫人瞻族記

吳錫麒

墓誌銘

樸齋公墓誌銘

吳錫麒

誄辭

樸齋公誄辭

謝振定

祭文

公祭樸齋公文

傅綸岱

公祭樸齋公文

章煦

公祭樸齋公文

王綬

公祭李太夫人文

張頡雲

詩

題鄒繼成姊丈小照

七律一首

余京

題鄒繼成六兄小照

七律一首

徐時允

題鄒繼成六兄小照

七律一首

張鳴臯

題鄒繼成姊丈種蘭圖

七絕二首

余京

題鄒繼成先生種蘭圖

七絕二首
步前韻

吳標

題姊鄒孺人弄孫圖 七絕四首 並序

余京

鄒樸齋先生八十壽詩 五排一首

茅元銘

輓鄒樸齋封翁 五古一首

真瞻棊

輓鄒樸齋先生 五古一首

法式善

輓鄒樸齋封翁 五律一首

鮑桂星

輓鄒樸齋先生 七律二首

鮑文達

輓鄒樸齋封翁 四言一首 集陶

顧莖

輓鄒樸齋封翁 五律四首

俞國鑑

哭外舅鄒樸齋先生 五排一首

張潮觀

題鄒樸齋封公觀我圖 四言一首

鮑文達

題鄒樸齋世丈觀我圖 四言一首

應讓

題鄒樸齋先生觀我圖 五古一首

錢之鼎

鄒母包太夫人六十壽詩 青鸞曲一首 效飛卿體

王文治

賀鄒伯母包太夫人

恩施五世同堂 七律二首

張師誠

鄒母李太夫人六十壽詩 五律二首

鮑桂星

鄒母李太夫人六十壽詩 七律二首

吳蘊

鄒母李太夫人六十壽詩 七律二首

鄧暉

鄒母李太夫人六十壽詩 五古一首

汪庚

鄒母李太夫人七十壽詩 七古一首 栢梁體

吳蘊

鄒母李太夫人七十壽詩

五排一首

汪庚

鄒母李太夫人七十壽詩

五古一首

張頡雲

鄒母李太夫人七十壽詩

五排一首

茅潤之

補刊

咸豐二年八月

節烈時孺人傳

楊 棨

論園公傳

劉榮桂

汪夫人傳

李承霖

論園公墓誌銘

俞恒澤

梅村公墓誌銘

趙炳言

公眉公墓誌銘

林則徐

八

九

十

十一

十二


十三

蘇氏
如璧 一 甲 八 尺

蘇氏
一 首

蘇氏
一 首

蘇氏
一 首



潤州鄒氏宗譜卷之三

藝文

家傳詩

像贊

壽序

記

墓誌銘

誄辭

祭文

家傳

廸其公傳

公姓鄒氏諱應祺又諱如琦字廸其汝純先生第四子也公家自高祖鎮公遷居京口先代皆敦本務實數傳至公門祚益昌公生而孝友善行不可枚舉而賦性慷直見義敢為有過人者京口故重鎮由長江而下是為海門順治己亥海寇犯境是時戎馬蹂躪居民被害者慘毒萬狀公適為海防某公記室海防公督兵禦賊力不能支妻孥幾莫保公以密計脫夫人幼子於

難迨王師南下天戈所指罔不拔靡公恐良莠不分挺身走
白主帥曰是役也當體

聖主好生之德不宜波及無辜主帥允其請一時全活者無數
夫人當時勢艱難未有不全軀遠害私作一身一家計否或弋
譽沽名藉行善以希食報而公獨能不避艱險救萬死於一生
且勞而不伐也向非忠義積於中烏能爲民請命若此哉公家
祖塋之在潤者歷時久遠兵燹後荒蕪不治公力爲修葺或有
嗣孫遠出湮沒難考者爲之培松楸表阡碣嘗曰一本所延脉
均氣接族之先卽吾之先也性好施與遇親友告貸靡不應久
之義聲傳閭里貸者極多力不能應卽立券轉貸於人以相給

厥後人不能償公卽解囊代償無吝色及易簀時猶囑諸嗣君

曰有券必償不必辨其真偽也其輕財尚義類如此嗚呼

京 締

交當代久矣日以詩歌與名流碩士相往來然求如公之識大
義篤本根者徃徃難之此清風亮節宜令人欽仰於無窮也公
生於前明天啟六年二月二十日考選登仕佐郎卒於康熙二
十二年九月十四日享年五十有八葬城西東岡石坑山元配
鍾太孺人葬公墓側始謀權厝久不能改因仍之繼配徐太孺
人與公合葬焉庶室張孺人葬城西三里岡祖塋之旁子三人
長崇孔次紹孔次學孔紹孔字繼成卽京之姊丈也與京過從
日久偶述尊人軼行輒嗚咽不能已側聞之下幸得備知長者

典型因以傳請於是敬書以歸之

姻愚姪余京頓首拜撰



Faint vertical text columns, likely bleed-through from the reverse side of the page, containing various characters and possibly a date like '十一月'.

節孝吳孺人傳畧

郡乘

吳氏鄒宣孔妻年二十一歸宣孔八年而寡繼姪溥爲嗣甘貧
守節三十九年太僕卿戴旌其門

子滿五千六百太對懶放其門

夫九雅... 美乎二十一... 體宜其入乎... 而寡繇致... 物為國... 甘食

爾幸吳謝人... 謝

謝



繼成公傳

予屏跡江村有年矣杜門習靜日以吟嘯自娛泛焉酬應文謝弗爲也一日鄒甥持其尊人狀乞傳於予曰舅氏與先君爲至戚徃來數十載無間言先君生平惟舅氏知最詳倘得一言死且不朽余聞而感之弗獲辭君諱紹孔字繼成廸其先生次子予之姊丈也幼而穎異喜讀書堂上訓最嚴能稟承獨得歡心年十三母鍾太孺人見背哀毀骨立如成人後事繼母徐太孺人庶母張太孺人色養備至沒身不衰及長名益著當事稔君才延爲上客居幕中悉心案牘窮日夜無倦容有賂以苞苴者正色屏弗受嘗與同幕言曰吾輩雖代庖然藉是伸屈抑植廉

隅安容苟且也聞者服其言以爲法先是廸其先生在日慷慨好施親友告貸靡不應有稱貸於人者多乞廸其先生名書券爲信厥後人不能償先生代爲償之其未經償者易簣時以必償爲囑君恪遵先志見券卽償繼有黠者見君誠慤遂造僞券取直有牟某者僞券更多君皆如數與之不以一言辨黠者因自愧牟某歿而其事遂息君家祖塋舊在城西三里岡廸其先生獨力修培後族姓因循日久荒蕪殆盡君慨然曰吾父志也勉力捐貲封殖完好並植碑爲誌甚詳曰使後世子孫有所徵信也君恒敦手足之好而於貧鄰乏族尤惓惓調恤之予長姊一人自歸君後倡隨白首相敬如賓訓諸甥動以禮爲法嘗繪

種蘭圖屬余題咏而吾姊亦有弄孫圖並命余題則門庭之雍
睦可想見矣嗚呼士君子顯則樹績於當時而潛則爲政於家
俾一鄉有所矜式如君者何可多覲歟君生於順治六年六月
二十三日考授修職郎候選府經歷卒於康熙五十三年十一
月三十日享年六十有五葬城西東岡石坑山祔尊公墓側禮
也子三人長鼎次毅次敏孫曾林立夫爲善無不報而遲速有
時今諸甥已隆隆大其家聲矣他日之浸昌浸熾吾烏能量其
所至耶爰爲傳以酬其請云

愚弟余京頓首拜撰

既生而後發於世類其前云

其年春發於世類其前云

出千三人受鼎穴燧火始將台林立夫我晉無不歸功我故實


出二十日卒年六十有五葬於西東陵不冠山極尊公墓附葬

二十三日葬於郊鄉原刻後孫孫本公孫孫五十三年十一

年一際有兩條大破尋香於百交購煥存也故則命大辛六月

親其地也 親其地也 親其地也 親其地也 親其地也

蘇蘭園風余殿烈而吾故衣衣弄紙圖並命余殿隕門與之聚



慧中公傳

吾友鄒君樸齋爲一郡有道仁人凡邑中諸義舉必待君倡首而後成吾服膺其人締交最密久之向余言曰國所爲無非稟承先志云爾安敢自多因以其尊人傳囑余余敬而諾之公姓鄒氏諱敏字慧中先世居范陽由始祖鎮公遷京口遂爲丹徒望族父繼成公公爲季子幼岐嶷賦性端默偶坐立俱不苟年十齡母吳太孺人見背哀毀如成人奉繼母余太孺人盡孝盡禮事兩兄恭謹無間鄉閭稱其孝友蓋公父卒時曾有遺訓以勗諸子公遵守弗怠其得力有由來也城西三茅觀側有明季祖塋歷年久遠草蕪不治公遵遺訓力爲修葺封植如新舊有

祭田若干畝前曾質之他姓獨捐貲贖歸俾祀事勿替公性好
施與遇親友緩急告貸罔不應過道旁見煢獨無依者歸來每
歎嗟累日曰彼亦猶人爾何困阨若此某歲吾邑告荒饑民待
食者不下數千口當代議賑事公踴躍捐輸畧無吝色時郡守
朱公邑令熊公皆廉能有政聲獨於公稱道不衰各製匾額以
旌善至今鄉人述之以爲美談公嘗客豫章歸自鄱湖甫揚帆
驟遇颶風舟全覆溺公入水中若有扶之使出者湖面浮紙十
餘束公踐之得登岸蓋嘗論之天之所助者順也人之所助者
信也孝弟之至通乎神明人能樂善好施假使一遇險阻時竟
無神明以默相則古人所謂忠信涉波濤者何由而不爽其言

哉初公之將發鄱湖也前一夕夢朱衣神抱持之曰吾出汝於
難覺以爲異及詰朝遇險更生始恍然前夢不誣而見神靈之
佑助吉人也自此爲善益堅終其身不倦公生於康熙十七年
正月二十九日卒於乾隆十八年九月十七日享年七十有八
配沈太恭人克襄內則雍睦中無闕禮卒合葬於城南仙人山
枝子三人長光裕次光國次光祖女二均適士族公太學生以
孫文璜秩

馳贈儒林郎文琳秩

馳贈朝議大夫文瑗秩

馳贈中憲大夫孫曾數十人多秀出班行有聲庠序昔東坡平

鮑叅公傳

往予嘗讌集邑詩人余江干先生家其戚鄒君鮑叅亦時時過從欽其倜儻遂與締交厥後君曾孫錫淳問字于予年未冠舉茂才有聲益喜故人之有後今茂才之父振宜以予知君之深持行狀來乞爲立傳予不獲辭按君諱喬年更名光裕鮑叅其字候選州同知父敏

贈中憲大夫中憲公三子君其長也生時母沈太恭人夢白鶴入懷幼而誠慤動循矩矱與人和易有容不修苛節人皆樂就之事親最孝中憲公晚得偏枯疾與仲弟光國代理家政愉愉然得堂上歡中憲公由是優游頤養疾若忘季弟光祖卒君揮

涕謂其仲弟曰吾同產三人忽弱一個今吾與若其慎自愛勿
戚我二人遂共撫孤姪如所生兄弟依倚里黨以慈悌聞先是
乾隆十七年中憲公因病爲諸子析箸君不忍資產有異請于
中憲公仍願同爨以故析而復合者垂三十年性尤尚風義聞
有善舉靡不踴躍以從邑中數遇偏災乙巳大歉甿庶乏食野
澤之鳧苳蘆菹以及木酪竹花搜掘殆盡比戶流離道殣相望
守令愴然議設淖糜待蒙袂者發倉不足勸民輸貲君首捐萬
餘金全活甚衆次子文球早歿遺腹孤卽振宜名衍慶時以母
命亦罄囊橐以助賑且襄事局中始終不倦衍慶母子之賢皆
素奉教于君者也盛德之應如此後衍慶蒙

恩議叙知府君得

馳贈朝議大夫嘗染危症下血不止衍慶得竒方以愈之恍惚
中若有神助者一時傳以爲異五十六年十二月十六日無疾
而逝春秋七十有八僉謂善人考終之報云子四人文連太學
生文球

誥贈朝議大夫文竒候選布政司理問文玠候選府同知孫七
人衍慶議叙知府衍斯候選布政司理問衍嘉候選布政司理
問衍德太學生衍和衍順衍堂曾孫十五人錫朋太學生錫淳
郡庠生錫公錫華錫勇錫九錫宸錫榮錫智錫嘏錫元錫蔭錫
福錫麒錫英元孫一人道林俱業儒

論曰太史公云禮生于有又云人富而仁義附焉然吾觀世之擁厚貲者類多安逸樂矜誇勢能之榮鄒君篤念手足家無異財一聞鄉里有急傾困倒廩無吝色是蓋好行其德習與性成得勢而益彰矣

賜進士及第

誥授中憲大夫前翰林院侍讀署 日講起居注官知雲南臨

安府事議叙晉階一級愚弟王文治頓首拜撰

樸齋公傳

余居里日久聞京口有隱君子鄒君樸齋好行其德凡一方之水旱疾疫無不待君倡始以濟焉如是者三十年里中人誦之以爲雖鄭當時原子思無以過也歲辛酉爲今天子嘉慶六年五六月間京師大雨彌月永定河決朝廷發帑金百萬以賑貧民自王公大臣以下各捐貲易粟以餼餓者於是鄒君第三子文瑛以工部員外郎官京師君急遣駛足賫貲赴都命文瑛納諸公以助賑事舉朝士大夫皆義之以爲雖漢之卜式輸家財專欲助官者不過如是今年春余主揚州書院文瑛持狀來謁乞爲君立傳余曾官史氏又以君行誼可以風

世也爰準魏畧之傳純固列史之紀孝義爲君傳焉君諱光國
初名書年字麟有一字樸齋世居京口自始祖鎮以下代有隱
德君父國子生

贈中憲君諱敏實生三子君其次也家世寒素中憲君暨君母
沈太恭人勤儉自力始稍裕中憲君病偏枯君百計求醫卒罔
效乃悉肩家事不敢上煩中憲君心事事輒先意承志中憲君
雖久在牀蓐忘其疾也與兄光裕弟光祖尤友愛門戶內外資
產盈縮數十年無分爾我暇日輒詠杖杜之詩使子若姪敬聽
之兩遭大故皆哀毀骨立喪葬皆竭盡心力乃止弟光祖以瘵
疾卒撫其所生如出腹焉宅心寬厚與人無所爭戚友有緩急

必極意卹之并爲計終始盡善然後已又創修宗祠續輯宗譜
皆親鳩工庀材并手自編校事皆立就人以爲五官竝用云乾
隆戊辰至戊戌三十年中縣凡六遇偏災君輒先捐貲助賑全
活無筭迨乙巳丙午江以南諸郡皆大旱赤地數千里京口爲
南北要衝饑民蔽江而來者襁負不絕太守以下久知君之好
義而區處得宜也率先咨君君立輸萬金行捨粥法於城西南
各設男女二厰與士大夫之急公幹事者分董其役每日出蓬
首垢面者塞塗而來君晷刻不爽裒散有方薪米出入甌缶楮
勺之給發皆有簿籍君又分道督察至擁擠顛蹶亦不自顧又
慮人氣蒸鬱之易起疾疫也復於城內外施設藥局以濟之是

時江以南諸郡雖各辦災賑然其立法之善全活之衆莫京口若焉非君不惜貲費不憚勞瘁亦不克至此語云活于人者當封又况活萬人及數萬人哉更可傳者徒邑志書自剞修而後百有餘年蔣中翰倡合邑續修君獨綜理經費不足則捐貲飲之而草藁始竣此尤人之所難能者君又以餘力助濬城內淤河并增修學宮及海嶽樓寶晉書院益諸生膏火他如恤嫠育嬰留養義渡義楨水龍諸善舉君罔不贊成之生平無德色或并不以告人人亦罕知之者寬於御下嘗一日濯足老婢誤投沸湯足傷甚君呻吟際但問婢曰汝自傷否卒不之責也配丁恭人先君卒造室李宜人俱勤儉善持家計君生於康熙戊戌

樸齋公傳

載入邑乘

鄒君光國字麟有號樸齋丹徒人性孝友家世寒素躬自儉約因漸饒裕兄弟共資產數十年如一日弟卒撫其子如已出戚友有緩急必極意恤之乾隆戊辰至戊戌三十年中縣凡六遇偏災光國輒先捐資助賑全活無筭乙巳丙午江南大旱郡守議設粥廠先咨光國立輸萬金其邑中善舉如卹嫠留養育嬰以及修學宮輯書院種種不可枚舉至宅心寬厚與人無所爭又其涵養有素也以子貴疊膺封典年八十五無疾而卒

舊史氏曰天道無親常與善人豈非鄒樸齋之謂乎余來丹徒

適樸齋子司馬文瑗虞部文瑗同邑紳以新修縣志見閱並悉
顛末雖蔣中翰輯於前王張兩太守續於後非樸齋始終綜理
接繼經費幾弗克竣其事遂使節孝顯揚幽光闡發厥功豈不
偉哉不可不傳爲傳之如右

賜進士出身

誥授朝議大夫順天府通州知州軍功加一級前翰林院庶吉
士改補順天府懷柔縣知縣擢宛平縣知縣歷知順天府通判
昌平順義密雲平谷延慶獻縣等州縣南昌愚弟萬廷蘭頓首
拜撰

年二月十四日卒以嘉慶壬戌年四月初六日年八十有五子
四人文璜候選布政司理問文瑗候選府同知文璵工部虞衡
司員外郎文瑞候選州同知女六人皆適士族孫九人綸捷皆
縣學生履誠履謙履雲履恒履震福齡履發竝業儒君以子貴
勅封儒林郎

誥封中憲大夫

覃恩誥封奉直大夫例晉朝議大夫
舊史氏曰鄒氏以邑爲姓自唐宋以來居常州者最著吳門無
錫又自常州徙者也今按君譜狀云世居京口殆亦自常州近
徙者乎今武進支自道鄉先生以後以忠節顯其遷居無錫者

修撰父子又以孝友稱今君之睦嫺任郵復著聲於京口鄒氏
之世澤孔長哉

賜進士及第

誥授奉直大夫前翰林院編修內廷供奉教習庶吉士咸安

宮總裁充大夫

實錄國史館纂修官石經處收掌兼詳覆官兼掌進擬文字前
提督貴州學政加三級陽湖洪亮吉撰

賜進士出身

誥授奉直大夫日講起居注官翰林院侍講錢唐梁同書書

包太夫人傳

姚鼐

姚鼐曰今世女子守節必其年未逮三十夫喪者乃予之旌表此朝制也然世固有年逾三十守節而行義尤可稱者皆君子所樂道也若丹徒包太夫人自三十二歲守節至年八十二以五世同堂之慶蒙

天書降榻於其家自封太恭人晉三品又加贈至二品夫人雖其始未及旌而終乃有逾於常人旌之榮者豈非天之所以褒行義哉予嘉其事因次述爲傳夫人爲丹徒包氏布政司經歷諱兆宗之女適同邑

贈朝議大夫太學生鄒諱光祖朝議以喪父哀毀成疾乾隆二


十二年七月遂卒有三子長文琮年十五次文瑛五歲幼文琳
僅八月耳家貧甚夫人盡棄簪珥供殮於喪事中節合禮自是
上奉姑下鞠孤子勞瘁艱憊其後文琮漸長乃能經理爲生計
夫人教之恭儉稍裕命以廣施鄉人多賴其惠其後文琳仕爲
山西宣武府知府乃告歸復渡江治鹽運事於揚州時往來歸
侍夫人鄒氏子姓蕃衍自其舅以下有服親屬七十餘人夫人
皆撫慰訓誨之而命文琳治公賑貸之事尤宜盡其力嘉慶九
年夫人年屆八十曾孫錫蕃生子增貴有司以高元一堂上

聞

御賜昇平人瑞之編加大緞二匹天下以爲盛事後二年乃卒

卒後以逢嘉慶十四年

萬壽恩加贈二品夫人嗚呼觀天之所以祐其家如此則夫人存心制行之善所以隱格於神明者蓋有人所不能盡見者哉



其德恩... 一前夫人... 天... 以... 其... 人... 十... 四... 第... 一... 天... 以... 其... 人...

李太夫人傳

道光元年余遷守鎮郡適季考得鄒生壽齡卷賞其穎異拔置前列後因郡中水災議賑暨修葺學舍諸公事獲交尊甫論園觀察論園夙承母訓爲陳太夫人懿範甚悉丁亥秋由南河赴蘇道出鎮江論園率其子持太夫人行狀乞余立傳余素知太夫人者遂據其大概而書之太夫人姓李氏世爲揚州江都人生而端謹事父母能承意旨年十六歸丹徒樸齋鄒公時公嫡配丁太夫人已歿遺子二文璜文瑗女四惟長子婚長女嫁太夫人主持中饋內政秩然諸子女亦以次婚嫁秉禮中節樸齋公得以無內顧憂太夫人舉子女各三人長子文瑾及次女皆

早殤次文瓊次文瑞太夫人於齟齬時卽訓誡如嚴師旣就外
傅督責尤切太夫人恭儉仁慈尤持大體乾隆乙巳邑值偏災
當事者議賑樸齋公捐金巨萬爲首倡大府上其事蒙
恩錄名優敘樸齋公以璜瑗皆已有職欲以瓊瑞名應之太夫
人以爲不可曰有家督焉 國恩當以次及况兩兒幼勿損其
志卒以與瑗嘉慶三年文瓊循例授工部員外郎值永定河決
派督工役不憚勞悴太夫人猶慮年少未諳公務每郵書以勤
慎勗未幾樸齋公捐館舍文瓊奉諱旋里凡事必稟命後行才
識兼備家政悉賴焉嘉慶乙丑戊辰間邑中疊遇偏災設厰平
糶至甲戌歲則大歉郡邑兩尊勸諭捐賑文瓊文瑞咸奉太夫

人命踴躍捐金並婉言勸衆所全活甚夥太夫人以義方爲教
如此每值設悅辰兩嗣君謀開綺筵陳歌舞會親朋徵詩文奉
觴上壽太夫人輒止之曰吾自奉素約鮮衣美食从屏弗御非
矯情也志所安也酌以稱觴之費訪親戚之有猝急與孤嫠之
無訴告者助之宗族尤當加意兩嗣君一一奉行如命錢唐吳
穀人祭酒聞而嘉之爲撰贖族記以紀其實其他樂輸不可枚
舉繼文瓊晉秩道員文瑞議敘鹽運使文瑞子羨齡又議叙知
府文瓊子壽齡亦入邑庠疊被
恩榮僉謂太夫人厚德所致於道光元年九月初一日以疾終
於里第春秋七十有二彌留之際神明不衰室中時若有旃檀

氣凡侍疾者咸聞之初太夫人父祥芝公無子與室周氏處事
白衣大士因感異夢而生數齡患痧症危甚恍惚見大士以手
拂之而愈其始終靈異之徵如此以子文瑛秩恭遇

覃恩誥封宜人

晉封太淑人

誥封太夫人以文瑞秩

勅封安人

誥封太夫人孫男六人曾孫二人

論曰史家傳列女大半載節烈事他多闕如以是知處順而克
標閭範為尤難動循內則不必以奇節特行顯而相夫教子數

釀仙公傳

誥贈中憲大夫鄒君諱文連字商成又字釀仙質直君子也父光裕

誥贈中議大夫君其長子天性渾厚尚風義樂施予與交遊通有無貧乏者輒傾囊以貸不計後日之償與否也乾隆乙巳年大歉設賑邑倉不敷守令勸民輸助中議公將捐萬餘金或疑數侈難爲繼君進言曰邑人議捐未有成數數侈足以倡衆中議公掀髯笑曰善用財者莫如此子矣君善承先志抑於友于之誼爲最篤君兄弟四人同室生齒日衆將析居中議公曰汝冢男又多子汝宜居本宅君對曰仲弟早逝婦孀姪幼季弟髻

齡願堂上同庇覆之俾合居是宅連與弟竒稍能自立或可覓
宅別居中議公嘉其能讓領之旣而慨然謂之曰兄弟叔姪本
同一體存心如汝吾復何憾因指君次子衍嘉曰此子汝所鍾
愛汝弟尤愛之願汝亦如分宅之意位置之是時君弟文竒無
出中議公憐之欲爲立嗣屬意於嘉久矣恐奪君愛而未言今
見君慈悌若此故有觸於中而特及之厥後竒果嗣嘉嘉由運
副進秩竒

封中議大夫賢竒者均謂竒能擇嗣不知實本贈公初意而成
於君之友愛也嘉慶三年八月二十三日君寢疾疾篤時尚舉
先人遺命諄囑嘉嘉泣受命公乃逝蓋心先人之心有如此者

大端雖古名媛莫能過嗚呼如鄒母者足以傳矣

賜進士出身

誥授中憲大夫江南分巡淮海河務兵備道管轄山安海安海
阜等處地方事務前鎮江府知府蘇州府太湖同知內閣中書
協辦侍讀充 會典館總校官 方畧館分校官戊寅 恩科
江南鄉闈內監試官加四級紀錄七次善化羅琦頓首拜撰

君歿後其子衍斯持行狀語湛曰合族將修宗譜吾父生平多
隱德欲立傳垂示後人傳之莫如子宜湛與衍斯爲姻兄弟其
家軼事知之最稔闡幽發隱與有責焉謹按其巔末而誌之
論曰德修於內而人不知爲隱德苟慮其隱而務暴之暴之者
非德也世人恢張事蹟以爲名高憑藉勢能誇耀流俗名耶實
耶古之闇然日章者奚謂耶若含蘊至性不求人知人亦不及
知而卒不可湮沒如鄒君者其亦足以風世矣

勅授文林郎直隸順德府平鄉縣知縣歷知新城雄縣深州饒
陽安平縣知縣加三級姻愚姪胡永湛頓首拜撰

...三...致...首...

...林...平...賦...賦...

...不...其...風...

...日...人...不...


...各...各...各...

...其...之...之...

...其...末...末...

...與...與...與...

...日...日...日...



節孝楊太夫人傳

節母姓楊氏天性純孝父士鼎病躬侍湯藥衣不解帶四載如一日年十六歸鄒君文球文球勤讀得羸疾又連困童子試抑鬱以歿時乾隆二十一年四月初九日結褵甫七閱月也節母痛欲身殉旁人尤之曰安有尊章在堂遺孤在腹而於禮得死者節母因自誓曰所娠男也鞠子以慰泉下人不則終不獨生未幾生子衍慶遂忍死撫之事舅姑維謹姑李太恭人疽發於背泣禱於神願以身代夜分則吮其瘡不使人知然姑終不起哀毀逾禮絕而復甦者再節母故端靜自喪所天愈益矜重斥鉛膏絺絳不御非歸省父母足不踰閫所居之室警欬無聞衍

慶幼多病節母寒則襲養則搔朝饋而夕浴劬勞備至而訓之
綦嚴不以貌孤少存姑息每自塾中歸績而督課小有倦容必
揮淚以誠紙窻風雨青燈熒然伊吾之聲與刀尺相間徃徃丙
夜猶未休也稍長爲娶婦嚴氏旋歿復爲娶蔣氏率婦治家奢
儉中度而趨善如水赴壑一聞義舉趣行慶爲之不俟終日施
繒絮暖僵臥者葺區廬棲流亡者治癘疫則給藥餌閔天札則
助棺槨其他如恤無告之窮嫠收不乳之棄子踵前人成法而
更補其未備衍慶一一皆承母志行之不倦乾隆乙巳邑中大
歉村墟無烟溝壑有殍節母惻然亟命衍慶傾囊助賑且勉之
曰災黎待食如嬰兒待哺汝其徃司其事吾給使有人勿置念

也衍慶得襄事賑局半載餘所活甚衆郡守鹿公荃顏其堂曰
守貞尚義大吏聞於朝

恩授衍慶知府秩節母

封太恭人是年冬十一月初一日卒年四十有七蓋稱未亡人
者三十一年乾隆五十一年

恩予旌表從祀節孝祠

論曰予嘗與修邑志旣采節母事畧入列女傳其子衍慶復乞
余詳其始末登諸家乘爲述苦節事輒嗚咽不成聲嗚乎可謂
孝矣節母賦栢舟時年甫十有七一子在娠先人之嗣不絕如
縷卒賴謹婦職盡母道而門祚益興節孝之後天必昌之諒哉

只之肇礪公傳

世九文瓊

嗚呼伯兄之捐館舍也自辛未至今丁亥倏已十有七年矣追思嘉言懿行實有卓卓可傳者瓊雖自知不文詎敢聽其遂就泯沒謹畧次其行事而書之冀得當世賢有文者採擇而重之一言且使子孫知頌清芬也兄諱文璜字肇礪候選理問先資政大夫樸齋公嫡長子幼穎異得堂上歡比長助先大夫理家政井然有條南北往來不遑安處數十年如一日先大夫得優游里門無所營慮者以兄之克負荷也先大夫年開八秩兄亦逾甲白髮追隨盡孺子慕迨先大夫卽世哀禮兼盡里中以孝聞晚得偏枯疾猶操家政十年精力益衰始與諸弟析箸俾自

經理兄性儉約居恒不御鮮衣美食而謹直好盡言每面折人
過誠卑幼及戚黨子弟剴切至誠尤不私毫髮遇人有疾病必
代爲延醫資以藥餌以故雖平日畏憚不樂近者皆歎以爲莫
及也鄒氏向無宗祠先大夫始與二三族屬議建自經始至落
成歷數年之从先大夫挈其綱而鳩工庀材實伯兄之力居多
至今春秋瞻拜闔族猶嘖嘖稱述不衰

璵

體羸善病聞諸吾母

云生時仰乳於某媪而媪實無乳且有暗疾饑啼不輟吻燥脣
枯漸至危殆此媪日夜提抱之未嘗告勞舉家俱爲所給適伯
兄過睹狀大驚愕延醫診視其事立敗蓋此媪借溷衣食不圖
兄之能發其奸也如是兄於羣季備極友愛而

璵

受鞠閔恩尤

至焉先是兄艱似續配戴宜人無出筵室陳周二宜人陳宜人
二子夭周宜人數年不娠兄承先大夫命以仲兄子綸爲嗣後
周宜人連舉二子履謙履震暨一女綸補弟子員履謙蒙

恩議叙縣丞晉秩布政司理問加二級履震亦國子生近且孫
曾林立業儒治生各自勤懇瑛固知兄之後必昌也瑛備員工
部時恭遇

覃恩以本身

封勲兄後以子履謙秩

贈奉直大夫

假卒直大夫

挂顯只翁以千貳端赫

單恩以本食

濟世恭德


自林立東翰所主合自博學與國取長之翁必昌出與備員工

身無絲絲水行其東坡所聖問眼之無與本因千坐張且孫

既其人東奉二千員兼與費豐一之命命策千員員國賜樂

三千天恩宜人幾年不減以奉天夫命以特于千命命

至世次景以賤所辭頭嫌宜人無出登室刺風二宜人刺宜人



象坤公傳

姚鼐

鄒象坤名文琮丹徒人象坤其字也父諱光祖早喪母包太夫人以節行著象坤年十五而孤有弟二人皆幼稚其時家貧甚象坤計無以奉養乃廢讀爲商其爲人有智善謀億中家乃滋殖其奉母甚至能忘其勞教兩弟卒使成立丹徒舊有育嬰堂主之者不善事將廢矣衆請象坤司之至則費已不給用象坤先以已貲應其急然後稽洲業市租之當供於堂者从而費乃充其召乳婦餉兒立法詳密遂至今爲利乾隆五十一年大饑象坤賑施尤多其餘布惠之事多可稱議叙當得布政司理問四十六歲遽沒子衍章附貢生衍模太學生

姚鼐曰象坤之歿也其才未及盡其弟因其業乃益大之季弟
宣武太守文琳以佐運事有績屢賁

褒榮甚重其家有五世一堂之慶而象坤不及見然而與鄒氏
者象坤始功也其子衍章哀其父早亡乞余爲紀余爲述如此

象坤公

姚鼐

景韓公傳

邑之鄒氏與余族世爲婚姻其行輩年齒相若志意相得者惟鄒君景韓相知爲最久君諱文奇字景韓又字雪坪候補道父

光裕

贈中憲大夫

晉贈中議大夫中議君四子君其第三子也幼而深靜篤實思慮審慎性尤仁孝先意承志得堂上歡方中議公恢宏前業家政繁劇庶務就緒無失纖毫惟君實左右之乾隆五十四年中議公患疾瀕危後獲奇方致愈爰推惠鄉里濟施藥餌君輒身任其事行之勿衰數十年來冬捨絮衣夏施蚊幃凡分財贈粟

諸善舉皆由是以推廣之爲仁本於孝弟詎不信歟夫人事乎
孝則必志乎孝志貫初終非終父母之身終其身也是故養可
能也敬安爲難而卒尤難誠如古之君子生敬養死敬享而又
恒久不已永懷勿忘積誠所感將不獨致慤致信恍惚交於春
秋俎豆間也初中議公歿營墓於曲陽堪輿家競誇吉壤久矣
君於嘉慶十二年春拜掃歸頗得夢兆占之不利於墓地趣趨
往省視無他異翼日審睇之覺地勢稍卑土氣蒸濕因謀改卜
或阻之君戚然曰親歿擇佳城猶親存卜安宅以妥先靈非爲
子孫計福利也且安墓未久尙可遷从恐欲遷而不可遂決計
相地於城南袁莊而遷墓焉遷之日甫起柩水溢於穴衆目駭

視始歎君之智識不可及抑孝思感格神明若默相之也曩余
自川東告假回籍暇日過其廬登其堂見其子弟愉愉孫曾滿
前和順之氣藹然庭戶間而乞靈藥以起沉痾者接踵於門外
其力善承前鍾慶及後曷可量耶君歿於道光之元年君嗣衍
嘉余之姪倩也以余知君深郵致君之行狀乞爲立傳余不獲
辭是以畧而言之易曰有孚攣如其象爲中實又家人爻辭自
閑有家始終於有孚子子之義備焉世之矜飾事行於庭幃而
實不至焉者比比矣鄒君篤承先志事有明徵且敦行歷久而
不倦記曰如親聽命又曰如懼不及愛然其是之謂歟

誥授通議大夫

欽命河南提刑按察使司按察使前四川分巡川東兵備道四
 川辛酉科鄉試監試官四川甲子科鄉試提調官署四川承宣
 布政使司布政使軍功加二級姻愚弟嚴士鉉頓首拜撰

因有定故錄敘前至千之幾前書世之保翰事沐然我朝而
 備是以畧而高之易曰百作樂時其象或中實又奉人交翰自
 景余之致辭出以余曉言將泚廷之於無之為立辭余不
 夫其善年節驗靈又身其可量耶廷效知道夫之元平其編節
 而所取之必為然親可聞而之靈樂以疏其能者其能也門代
 下凡京若建國錄罪日其其靈登其堂其其下其命命和會新
 其也獲其之皆端不何又時幸思親林幅則其然林之也其余

若人公傳

世文瓊

仲兄諱文瑗字慕蘧又字若人議叙府同知生而岐嶷年十三
遭母喪哀毀如成人體素弱自是益病又十年始應童子試補
弟子員再試秋闈不遇鬱鬱不得志遂肆力於古儒者身心性
命之學言規行矩一嘖笑不苟與人坦中不好爲同異鄉里以
長厚聞邑中數遇荒歉議平糶施糜粥先大夫首先輸資以爲
勸又郡邑學宮及祠廟之載祀典者靡不倡議完治之然家務
殷煩工所賑局不能躬親其事而監工作給災黎事事有條不
紊仲兄實代勞焉邑志歲久失修棗梨漫漶事蹟亦多缺載先
大夫與王夢樓太史蔣春農中翰張振谷太守纂葺增訂仲兄

實襄其事書既成當事刊列秉筆諸姓氏兄堅辭不與其與修
家乘亦然撝謙不伐類如此善青鳥家術宗祠基址先大夫兆
域經營相度皆兄力也

瑛

憶束髮時兄教以熟讀四子書烏乎

言猶在耳訓迪之功其何敢忘於嘉慶庚午年六月二十四日

以疾終春秋五十有八初娶李恭人繼趙恭人子七人長綸庠

生嗣伯兄後次捷庠生次履誠國學生次履吉早殤次履雲國

學生次履言議敘通判晉秩同知次履發亦國學生孫十七人

曾孫五人次孫濟已入邑庠餘亦俱能自立前

瑛

以本身

封勲兄其子履言亦以本身秩

贈父奉政大夫歲癸未


瑛

冢媳歿未獲墓地嫂氏趙恭人慨然

持券以讓蓋猶克推仲兄友于之愛也瑗既述伯兄之梗概矣
思仲兄行誼不能置不揣固陋復擴大畧而爲之傳

城... 利... 力也...
 猶在... 訓...
 以... 存... 五... 十...
 思... 只... 存... 不... 誰... 置... 不... 誰... 固... 酬... 莫... 難... 大... 畧... 而... 氣... 之... 粉...

辨... 卷... 以... 蕪... 蓋... 餘... 京... 辨... 辨... 只... 文... 于... 之... 受... 也...
與 辨... 辨... 辨... 只... 之... 辨... 辨... 矣...



像贊

始祖鎮公像贊

王文治

仁人之度君子之光盎然粹然玉質金相范陽族盛本邑爲姓
南土是遷積善餘慶潤山嵯峨潤水揚波卜云其吉受福不那
余生愧後未瞻山斗色笑如生勗哉世守

始祖鎮公像贊

八光國世

噫此始遷祖鎮公遺像也予生也晚尙憶趨庭領先人之緒論
識初祖之生平愛江山兮秀傑乃著籍於潤城持躬淑慎作事
精純行期實踐不驚近名越今奕禩模範猶存其容則莊以厚
其神則正而清卽其外之古貌知其內之古心宜乎積善餘慶

垂裕後昆謹展卷而瞻拜如俊見而愾聞

始祖妣像贊

世九文瓊

側聞初祖中歲見背家政克肩曰惟哲配懿教子兮有成乃為
父兮是代讓兄產兮弗居實慈訓兮永佩慨厥氏兮無徵幸遺
像兮宛在式此黃台允堪保艾用慰追思春秋瞻對

靜菴公像贊

世八光國

於穆我祖肇興我族張堪讓財蔡廓入祿我祖慕焉事兄恭肅
兄曰弟前予言汝告家資無多備予饘粥言莫予違請書之牘
我祖聞命諾恐不速懿維祖澤延及似續遺像式瞻遺訓用勗
維我後昆法祖雍睦

承菴公像贊

冷士嶺

藹然容兮粹然德孝友後兮昌可必三珠樹兮一時出兩枝隕
兮秀不實承風矩兮公之力膺七命兮榮簪笏懿行垂兮永爲
則佑啟子孫兮引無極

汝純公像贊

笄重光

天相德門篤生賢哲闢墓地而先塋永安置祭田而時享不缺
萬本松楸三尺碣後人展墓思公烈不朽盛事光宗牒

廸其公像贊

余京

公逝而萬家墮淚也曰陷賊獲生賴公平請命大帥也公歸而
比戶失庇也曰有求必與舍公平告貸無地也欽公之高義也

傳公之行事也拜公之遺像尚凜凜乎有生氣也

繼成公像贊

余京

告貸必予不計有無承若考之遺風有券必償不問真偽體若考之深衷先塋悉修不論疎遠惟若考之命是從欲知有孝兮有德盍觀有睟兮其容

慧中公像贊

鮑之鍾

豈弟君子明德維馨負孝友之至性馳任卹之賢聲贖旣質之田畝以奉祀事葺久荒之邱壟以妥先靈仁厚式于鄉里精誠炳于丹青懿慶貽于奕葉垂百世而常新

鮑叅公像贊

戴岷

翩然白鶴來庭隅兮兆生英傑光門閭兮爲子克孝兄友于兮
與弟共產財無殊兮同釜以爨同室居兮荆花韡韡枝交敷兮
推恩井里饑則舖兮兼金巨萬爭先輸兮其容可繪心難圖兮
凡百君子爲楷模兮

樸齋公像贊

張潮觀

嗟我外舅克祇克恭家代親持產與兄同爰及鄉黨有無相通
值歲大歉遐邇告凶立輸萬金不計囊空身董賑事夙夜在公
全活不億未嫌于衷族譜編輯宗祠鳩工邑乘城河書院巖宮
事無鉅細胥慎始終有瘁其貌知勞厥躬皎皎穆穆永式遺風

事無差阻皆謝故孫亦敬其忠忱後淵源如如

全皆不勤末刻于其賦詩誦經宗師賦工且

勤勤大煉鐵器自製一器一令不信靈空良董

刻亦快良京派京恭老分麻有德同受文派黨

謝齊公外贊


魏氏宗譜

凡百皆于益歸於公

郵恩共呈贈限餘公

與策共進慎無終分

臨然白謙來與剛分



壽序

慧中公七十壽序

夫西垣少微之星原映乎人間處士南極長生之算多衍于世
上耆年德隆福備直其然乎若乃眉含嶽秀足起春雲比宰相
於山中高司馬于方外天和怡養金丹茂視松喬道性常存玉
塵終輕許史結三千年爲桃實以八百歲爲春秋此樹號恒春
四照煥雲霞之色花開益壽一庭增錦綺之光也恭惟慧中年
太先生古潤名門嶧陽舊族世傳三事喻長倩播譽於漢廷身
爲國子師潤甫騰聲於晉代先生秀出班行生而穎異王澄幼
慧知名在竹馬隊中衛玠清言露穎過羊車市上蕤蘭膏于丙

夜丹鉛弗離搜竹簡于西山黃墨精謹虛心爲舟利器在手古
所謂大雅之才三十六先生殆其選歟而且純孝性生內行肫
篤值就傅之年遽遭失恃當孺慕之日宛若成人春暉未報齒
不見於高柴華黍奚賡釜每傷於曾子旣而慰嚴親奉繼母負
荷欣然不惜米肩於百里嗜好敬進果然筍出於三冬旣蘭陔
之譜詠更棣萼之交輝式好無尤同眠姜被本來一氣永茂田
荆宜其金友玉昆聯飛競爽也所尤難者詠葛藟之章本根是
庇賡行葦之什同族誼敦藻蘋莫薦捐金贖享祀之田松楸必
培立石樹華阡之表至於麥舟慨佐曼卿綈袍深憐范叔焚孟
嘗之券負逋者銜恩指魯肅之困救急者戴德其疎財仗義之

節有可風者惟是旣生輝于璧水何難奮翮于天池假令出而
圖當世之務將珥瑤簪而輝首珮紫綬以鳴腰躍迹蓬山參名
芸閣徵鄭默之才聲馳

北闕用羅含之學望重西清露冕題輿舍我先生其誰也而乃
高卧東岡怡然不出寄情山水咏左思招隱之詩託跡煙霞吟
謝朓驚人之句花前投轄時集嘉賓松下携琴常招勝友或閉
戶看雪接果而移棠或臨窻倚風栽花而散稻豈非似毘陵蘇
子實福德之在宮江洲袁君更康強之式吉者乎矧夫內有良
佐滕萃竒男劉綱夫婦仙眷旣聚于一家薛收階庭鳳毛適徵
于三士鄭氏門名通德原知篤行世傳王家業擅青緗久羨遺

經代守椿萱並茂橋梓呈祥不獨玉樹之青葱抑且孫枝之秀
峙愛之著膝盡瑤環瑜珥之英慰而含飴分棗栗楂梨之美洵
可謂盛事聚于興門而餘慶鍾于善族矣彙也一官匏繫五內
葵傾始在漢陽接令嗣豕君之芝宇繼遊京口聆先生長者之
蘭言幸御李之有緣才欽范老快瞻韓之夙願德重龐公茲屆
歲德在丁辰見於木爲先生七十誕辰膝前綵舞斑衣座上香
盈玉笋詎特羊脂麟脯供瑤池仙會之瓊筵抑且鳳管鸞笙聞
蓬島霓裳之法曲郵寄里章遙當祝嘏梅開東閣剛值春王協
吉之時雲慶南天願進眉壽無疆之頌是爲序時
乾隆歲次丁卯春王下澣之吉

賜進士出身

勅授文林郎浙江宜波府鄞縣知縣甲子科浙闈同考試官加
三級紀錄六次年家眷晚生宗紹彛頓首拜撰

三賢雖難六太半定者雖主宗降異動首拜巖
 疎外交林而蕭並流如亂獲緜狀緜甲子沐海國同受於官唯
 服遊士出良卯春王不謂之



樸齋公八十壽序

邑有仁賢國之楨也鄉之望也而求之嘗難其人幸有之天或嗇其年不則或窮約不得志不則或憂危于富貴若夫登大耋席豐厚不必浮沈仕途而疊受封誥榮於坐堂皇擁旄節之數者得一已難我

誥封中憲大夫樸齋鄒公則兼而有之人知天之于公獨厚而不知公之有所以致此者也公父母年俱七十以上色笑無違一切先意承志皆能曲體親心公之孝也兄弟三人長兄年至七十有八一生和睦相好無尤季弟早歿遺孤三人教誨撫育皆至成立公之友也待人以禮言笑不苟推誠相與然諾無欺

公之謹且信也親族里黨凡有婚葬等事無不厚施以贊其成
邑中育嬰恤嫠救生留養各善舉以及修書院修文廟修縣志
皆有資助而其最有功於鄉黨者莫如賑饑乾隆十三十七以
及二十一三十四四十一四十三等年歲值偏災所有平糶煮
賑給糧散麥無不量力輸資親身董理而賑饑之中尤有功於
鄉里者又莫如五十年同邑紳士捐資設賑計前後共捐銀十
三萬三千有奇其捐一萬兩以上者三人公其倡首者也洪山
寺等處分別男女設立四廠自冬徂春計日而施全活無筭雖
贊襄經理每廠各有專司而總四廠之全歷半年之久一切民
數穀數職出職納多寡盈縮畸零彙總公以一人獨集其成按

籍而稽燎如指掌事竣報部議叙從優公四子長文璜布政司
理問公

封儒林郎次子文瑗附貢生以捐賑蒙

恩議叙通判晉秩同知加二級公


封中憲大夫三子文璵布政司理問四子文瑞州同知孫六人
長孫綸邑庠生曾孫一人四世同堂一門衍慶而公年開八秩
康彊健飯如少壯人知將來之福應正無涯也夫天之所靳于
人者而皆鍾之于公豈偶然哉豈非修身砥行之有以致此哉
丁巳二月值公懸弧之辰東南名士咸歌詩以介雅謙少從公
游知公最深不敢飾腴詞而以質實之言進公庶幾駟然而進

一觴乎謹序

嘉慶二年二月吉日

賜進士出身

誥授朝議大夫戶部山東清吏司郎中兼管福建廣西司事總辦八旗現審處事務前翰林院庶吉士加一級知江西吉安府事紀錄四次年家姻世姪張明謙頓首拜譔



樸齋公八十壽序

今夫松栢之心四時不改其得於天者全也積善之家必有餘慶其修於己者厚也上古之人神明而壽其所遭者又幸而得其時也三者相爲表裏而能兼者厥惟我

誥封中憲大夫樸翁姻伯大人翁先世本多壽考父母年皆七十以上翁生而姿稟迥與人異其得於天者然也孝友出於真誠仁義根於天性陰行善事不求人知其修於己者然也而又躬逢盛世運際昌期其所遭之時又有然也三者備而翁之多福多壽有自來矣假使以翁之才猷經濟策名仕版擁大蓋乘高車金馬玉堂簪纓侍從當必鼓吹休明敷歷中外立不世

之殊勛建無前之偉業而乃爲善於鄉慕義若渴其所展者乃
翁之緒餘而未足以罄其根柢也然而育嬰堂慈幼也恤嫠會
敬節也救生船拯災難也留養所恤貧病也而翁樂爲捐輸書
院育人材也學宮尊先聖也縣志紀實錄也而翁任其責克襄
厥成乾隆十三年以後歲遇偏災小賑者六大賑者一桑梓間
民命攸關者也而翁竭盡心力不辭勞瘁賴以全活者無算翁
之卓卓可稱者如此夫亦可以不朽矣是知人之傳與不傳固
不在仕與不仕也翁先後以子職

封儒林郎晉


封中憲大夫子四人長文璜布政司理問次文瑗附貢生以捐

賑蒙

恩議叙通判晉秩同知加二級次文瓊布政司理問次文瑞州同知長孫綸已入邑庠諸孫及曾孫亦俱秀出一門簪笏四代同堂古所謂華封三祝天保九如者其在斯乎而要其所以致此者則安貞之吉得於天敦行不怠修於己化日舒長所遭者又幸而得其時也是爲序

姻愚姪戴錕頓首拜撰

又幸而辨其微也且無不
 此春限安貞之序物無天
 同家古源晴華清三殿本
 同甲身熱餘意入邑身曾
 皇前跡嚴既晉楚同朕賦
 辨察者大夫子西入長



包太夫人八十壽序

蓋聞倚瑟皇娥歌既傳乎帝子投壺玉女博亦縱夫東王可知
天上歡筵無異人間樂事然而瑤島獻千年瑞實桃固稱冰碧
海開百丈瓊枝花都似雪蟾宮玉兔擣藥於獨活欄邊鳳穴丹
雛拊翼在孤生桐上此所以花開益壽卽是宜男而木有恒春
還推貞女也如

誥封太恭人鄒母包太恭人者

誥贈朝議大夫鶴知先生德配吾同僚友晴舫太守之尊慈也
太夫人萬卷高門三芝華胄春蘭紉佩度早應夫玉璜秋菊裁
篇譽更齊乎香茗問名當及笄之歲牽待烏羊相攸得坦腹之

才陳來錦雁爰以希仁之淑女子歸長倩之佳兒時則鶴知公
學擅雕蟲望齊溫忝一時聲價聽鸚戴仲若舍旁到處謳吟泛
鷁裴頭陀江上王濬冲無碓田之慮孰持燈下笑籌山巨源有
稽阮之交疇辦厨中供饌凡茲外事俱見宜家况奉高堂尤資
盡職當舅姑俱存之日既偕華忝吹笙迨良人失怙之年復佐
餽餼讀禮溯從挽鹿未彈廿載之琴幾度撫麟已種三株之桂
從此北堂娛戲鯉奉姜詩長願南谷憇遊案齊德曜恒情慕此
賢者同之然而桂輪易仄海水多濤竹無淚以奚斑鵲未啼而
曷紫火齊不沈於合浦何自騰蛟室之光純鉤匪掩於豐城孰
識射牛宮之氣蓋鶴知公未逾壯歲遽教玉塵興嗟而太恭人

甫度立年遂使皮金抱恨藁砧永訣絕望刀環白燕空歸悲歌
黃鵠旣堂上痛曇恭之老母更膝前憐任昉之孤兒長公僅可
勝衣次君方將毀齒而我睛舫生纜八月繡襖未離因之太恭
人念此數端燈帷自矢磨笄有慟未許頽杞婦之城截髻雖悲
敢遽化武昌之石於是鬢而致祭經以當門山中之蓆草何來
力持井臼江上之竹筒誰寄苦理藿鹽欲強姑歡用課諸兒之
讀勉勤嫠恤庶慰夫子之心而乃噩夢未終頓爾驚飈復起塵
封鏡裏甫茹三歲苦荼萱萎階前又集一朝辛蓼在未亡人并
慈姑莫奉彼貌諸孤亦大母無依非洲上之菴菴心偏屢摘比
海邊之精衛恨總難填况念願頷於家門尤懼式微於世業晴

憲畫荻庶三事之喻可傳月夜和丸令五經之名勿墜所以薛
家有子鳳克齊賢比之賈氏諸郎彪爲尤怒斯時太恭人喜看
成立追念簪纓不必機雲兄弟之同行特以王謝子孫當一出
於是我晴舫冀慰親心願勤王事彈冠京國守郡樓煩縱道遠
花營未克導輿而至而鸞回

紫誥足勝捧檄爲歡况乎羊續則解舍懸魚化行丫角鄭宏則
車輪夾鹿澤普偏頭此雖孟水有箴洵文章太守之風再見抑
知船錢早築固義成夫人之教居多至若孫依鳩杖萃雙丁兩
到之才曾昇藍輿合珠樹荆花之秀更積一門善慶欣看五世
承歡然後歎人惟苦節爲難而天之報施不爽矣歲週初甲秩

進八旬羨郝貞女面若童顏知藜瓊仙身非凡骨中秋正艤香

動木犀三月哉生輪開冰鏡

慶格

等誼既稟夫寅恭心彌殷夫

華祝羨嗣君掛冠歸養綵舞萊衣頌壽母扶杖含飴籌添箕福

此日賓朋進酒固宣文君視聽無闕之時他年

慶格

等升堂正

鄰夫人神明不衰之候敬申丹幃用介壽觥

誥授中憲大夫分守山西冀寧道轄太汾潞澤遼沁平七府州

兼管水利事務愚姪慶格頓首拜譔

誥授朝議大夫山西太原府知府愚姪李會觀

誥授朝議大夫山西平陽府知府愚姪錢臻

誥授朝議大夫山西潞安府知府愚姪張曾獻

誥授朝議大夫山西汾州府知府愚姪吉隆阿

誥授朝議大夫山西大同府知府愚姪郭晉

誥授奉政大夫山西潞安府同知愚姪祝德全

誥授奉政大夫山西澤州府同知愚姪金汝潮

誥授奉政大夫山西大同府理事同知愚姪訥福

誥授奉政大夫山西霍州直隸州知州愚姪恒山

誥授奉政大夫山西代州直隸州知州愚姪佟謹思

誥授奉政大夫山西保德州直隸州知州愚姪湯師錫全頓首

拜

嘉慶九年歲次甲子八月穀旦

包太夫人八十壽序

今上御極之九年倉龍所次支幹居首秋澄景清壽星炳於弧
南我金華而
誥封太恭人京江鄒老伯母包太恭人設悅吉辰白蘋昭信於
夫人之澗朱蘭擷芬於門子之衣閣迎東潮海鳥浮翠階舞南
鶴山靈馭清笙竽未陳棗梨先獻翟茀在御光被六珈簪笏滿
庭氣靄八座兕觥載升鳩杖且却春秋八十矣先是晴舫八
兄太守大人方領郡樓煩作翰邊朔廉泉所漑瘠土之民亦腴
仁風旣揚寒谷之春先度鎖鑰固而西馬不驚稻粱多而北鴻
胥宅連帥方薦賈循

九重方召黃霸而八兄感報暉於草心
矐忘憂於萱性望雲縈
愫拜日陳情歸歎歸歎書凡三上山右大吏以民望所同依國
華不易得徇父老留寇恂之請爲

天子止蘇允之行而八兄殷茲烏哺謝彼駒維謂報國之日
長謂在山之志遠大吏以告

天子方以孝治天下允其行焉官寮愧忠孝之全士林識進退
之正香花夾道惜仁人之難留歌詩寵行道大夫之能養釣遊
地近金焦兩點之青菽水歡承鐘鼎白華之潔旣歸而太恭人
喜可知矣榆塞春遲偏關雪早手線曾縫腸車自轉茲則佳兒
無恙遠道初歸乾鵲先占鳳雛并集一也發楹受書畫荻教字

國器不達門業曷興今則晝錦衣榮夕葵祿厚志酬斷杼光照
倚閭二也况乎廉吏名成一簞養志達官氣下五馬式閭觀勇
退之高信寡取之實篤五十之慕知千鑑之麾自是春樹扶車
赫羲拭席介隱可偕曾嚙永已餐不勸而加噎不祝而解宜乎
太恭人之年日增而顏如童哉姪等昔從公瑾以登堂今慕伯
瑜之舞綵願託東下之魚請奏南飛之鶴益深羨夫八兄之篤
於內行而太恭人之優於福也謹序

賜進士出身

誥授朝議大夫翰林院侍讀充

日講起居注官

實錄館纂修甲子科廣西鄉試正考官加二級紀錄四次全椒

姪吳真拜手撰并書

內閣協辦劉侍讀 愚 姪顏允燦

工部虞衡司員外郎 愚 姪英奎

工部虞衡司主事 愚 姪溫際清

工部虞衡司主事 愚 姪張之屏


工部虞衡司主事 愚 姪韓邦彥

候選補員外郎 愚 姪王册

福建邵道 愚 姪王大昕

候選補知府 愚 姪金國寶

詹事府詹事 愚 姪茅元銘



戶部 貴州司 主事 愚 姪趙佩湘

吏部 七品小京官 姻 再 姪袁渭鐘

兵馬司 副指揮 姻 再 姪汪吉雲

分發湖南試用知府 姻 再 姪袁廷極

候 補 知 府 愚 姪殷 華仝頓首拜

嘉慶九年歲次甲子桂月穀旦

徐太恭人七十壽序

一陽始復律回黍谷之春六管初調氣應萱庭之瑞連珠合璧
天上迎休綵服金花人間獻祝俗誇做節集祥靄于新衣家慶
增年添慈暉于弱綫是月也值

誥封太恭人鄒老伯母徐太恭人七秩誕辰將進宜春之酒式
開介祉之筵待染烟毫用光輦悅夫珠零錦燦良多善頌之嘉
賓而瓦奏匏宣轉乞里言于賤子者誠以哲嗣蔚華本吾畏友
也景母教之夙承族兄培業又其快婿也知女宗之素著聯親
戚之情欵託里黨之交游能不仰溯徽音詳稽懿範乎且夫內
則之儀莫先于順中壺之德無過于貞若太恭人者南州舊族

東國名家綢直表躬莊姝協度及歸我鮑叅公也時嫡配李太
恭人在堂箕帚周旋衿纓進退舉凡鍾娣郝妣三黨六姻固已
欽其抑抑彌謙媿媿善下矣迨夫空匳僵瑟劉夢得愁賦瑤臺
藥曰茶鑰王摩詰悽凭經案太恭人禮則兼乎易戚職爰總乎
蘋蘩與子婦相率以持門俾藁砧忘悲于炊日甲粢丙豆調劑
適宜女布男錢出入咸理不獨效冀缺如賓之敬得老萊偕隱
之歡已也虔恭旣譽溫惠胥推椎髻而前固有劬于梁廡雜佩
以問更無吝于齊閨宜乎和以致祥慈能召福雲生夢裏炫鳳
彩而集肩鈴墮懷中化蚌珠而入掌其教子也隔窻聽論垂幔
授經麴子明之易書金常倒笥李景讓之鑿壁錢棄盈船所以

公紀髻齡已知懷橘仲郢綺歲不憚丸參匪直此也裁韓康伯
之襦卽動解衣之念供茅季偉之膳便興推食之思邑中連遇
偏災更逢大歉三秋中澤憐鳴雁之哀聲十里荒村閱懸鶉之
寒色聞李悝之議平糶亟命捐資知黔敖之徧設糜更欣助賑
其後蔚華蒙

恩晉秩鹽運使司運同而母得
誥封爲太恭人

天露垂綸仙霞擁帔報施歎其不爽閭里引以爲榮蓋微子之
賢無以酬母之志微母之力無以成子之名也而且粟藏籬下
孫枝足比劉殷名播監中女倩並如富弼則太恭人之德又豈

徒謝庭之樹足以徵燕姑之蘭哉政也幸附葭莩之末得欽松
 栢之標記賦嚶鳴曾來拜母適逢燕喜復許躋堂寸念欣馳一
 言恭介新圖數九紅梅迎北海之尊宵雅肄三碧草衍南陔之
 慶是為序

賜同進士出身

欽點國子監學正改補安徽宜國府教授加一級姻愚姪何佳

致頓首拜

(Faint bleed-through text from the reverse side of the page)

李太夫人六十壽序

粵稽古之言壽者矣壽母之稱權輿於魯頌壽人之曲萌柢於唐山自來陳闡內之修譜房中之樂者大率揚婺彩顯坤儀輔益賢明章闡聖善豈嫌過形曼羨少溢緇縉若夫庭誥式垂彤編有穆人倫之盛舄奕一家以敘文也其曰慈訓慈德慈壽慈恩天錫之榮起居八座則推其育源之始以徵其炳慶之由乃知鏗耀珩璜揆張鞶帨者抑又末已有如鄒母李太夫人者蓋受命於天而論園觀察葑莊都轉之賢誥封太夫人鄒母李太夫人者蓋受命於天而論園觀察葑莊都轉之賢誥贈資政大夫樸齋先生之造室而論園觀察葑莊都轉之賢母也三心五噶上協乎天文左悅右箴夙循乎禮教有德象諸

篇之肄無帷房跬步之踰塞淵以旌其心莊姝以表其度媿矣
 哉固將大汝南之門戶興子雍之家業焉會樸齋先生詩悲蒙
 楚夢斷稠桑卜祥女於煇黃廉淑姿於縕素於是警隨旦枕肅
 奉宵禱深韜詠絮之才自守織蒲之分惟見媿媿善下踏踏忘
 勞效蘭尸之有齋師葛覃之無斃支分菜把則黽勉冬儲采掇
 溪毛則恪將春薦以効內職以修女功井曰操焉組紉治焉固
 已親串欽其淵量婢媪感其惠心也已當是時也蘭芽已茁方
 煩曉露之滋珠樹猶疎每切春風之盼迨至夢徵天使送有釋
 迦石麟既接踵而來銀鹿亦比肩而坐業充閭之有慶已摩頂
 而稱竒而况曲瘁萱心惰勤荻畫蘇長公志業克奉母儀虞學

士文章多承慈訓遂使騏驎之步馳騁康莊鯤鵬之游扶搏渤
解叔則蜚聲于水部季乃視秩於度支規矩相提韋弦克濟行
且福星被于一道飛雪裕于萬家有守有爲百職總期之報

國讀書讀律一編尤訓以活民則所以宏鄧國之風成榮公之
器者又豈徒織絙敦本封鮮勵心而已哉而且散贍六姻解推
合族拯微生於鳧沒活流瘠于鳩棲應壺士之求義漿弗吝酬
褐父之睨仁粟先供砥平福德之衢擔簦額手金布菩提之域
花水澄心凡所以利物濟人救生匱死者莫不因仁爲質輔義
而行種種賴其波餘欣欣樂其春及固宜慈能迓福和乃習祥
視本家傳文孫亦騰其雋望笏將牀積快壻早列於賢書璫奏

三山 綸言五色萊衣接乎宮錦首飾耀乎副珈此則前輝後
光爲興門顯其象者實卽左宜右有爲曼壽貢其符也茲者歲
在祝犁日當星鳥正萬物棣通之候值六旬周甲之年遲日花
明良辰燕喜躋堂介祉者鞠脰而來望景祝延者奉觴而進而
太夫人持豐以約履泰而謙雉鼎勿羅褕衣若素用敢袞除譟
語闡述內心見純嘏之有常明陔華之善養但看此時洪蔭無
非功德之雲請聽異日輿歌定勝岡陵之祝

賜進士出身

誥授朝議大夫國子監祭酒加一級紀錄六次前左春坊左庶
子右春坊右庶子 日講官起居注翰林院侍讀 尚書房行

走教習庶吉士翰林院侍講右春坊右贊善翰林院編修甲辰
庚戌會試同考官日下舊聞考纂修官三通館纂修官四庫全
書館分校官翰林院庶吉士從慶年家眷侍生吳錫麒頓首拜
撰并書

嘉慶十四年歲次己巳杏月穀旦

李太夫人七十壽序

乾隆辛亥壬子之歲余僑居京口嘗登北固涉金焦經藏春塢翠屏洲時覩其中往往多麗眉而號稱上壽者卽學士文人被服簪組又皆彬恂和粹藹乎可親每私念此邗川嶺之靈蘊蓄宏秀其攄於人物者固如斯也及宦京師晤鎮江鄒君論園翮翮儒雅金玉其質時君官水部所居有藤花吟舍嘗讌集名流於其中分曹射覆傳杯賦詩風流相尚蔚然南國之英也昔余居京口時稔知君父樸齋太翁樂善好施君母李太夫人助夫教子凡拯凶荒襄義舉惠鰥寡卹孤貧捐輸無慮數萬金三黨蒙麻四窮告慰皆太夫人有以陰相之又復黜華崇儉卑遜自

居宜乎迓繁祉而享遐齡也喆嗣則頭龍季虎論園水部與葯
莊都轉稟母慈訓中外宣勞舟梁濟世諸孫則玉茁蘭芽如初
日輝耀乃者明年屠維單闕之歲仲陽月爲太夫人七十設悅
之辰珠履踵庭賓雲繞座在內者皆玉色在外者皆金聲於時
太夫人鶴髮鳩杖婆娑登堂賢子拜前諸婦拜後文孫亦僂僂
踵接參差起舞太夫人顧而樂之吾意斯際太史觀雲必起奏
數千里外大江以南煥煥南極一星輝暎寶婺余未獲躋堂展
拜躬晉霞卮爰珥筆爲侑觴之詞耑侔敬將令張之東壁卽以
當太夫人期頤嚆矢云

賜進士出身

人


誥授中憲大夫鴻臚寺少卿前日講起居注官翰林院侍讀

學士年家眷侍生蔡之定頓首拜撰并書

嘉慶二十三年歲次戊寅嘉平穀旦



明年... 國之... 陽... 為... 大夫...
 玉色... 在... 金...
 子... 孫...
 之... 吾... 際... 天... 觀... 必...
 此外... 大...
 嘉慶二十三年... 宣... 奉... 遂... 且... 將... 令... 盛... 之... 中... 以...
 學士... 宗... 卷... 出... 聚... 之... 成... 師... 拜... 共... 禧...
 蕭... 中... 憲... 大... 夫... 謝... 祖... 告... 求... 願... 前... 官... 傳... 林... 劉... 卦... 蕭...



李太夫人七十壽序

往者嘉慶己巳春二月我

誥封太夫人鄒老伯母李太夫人六十壽

藁

方官京師令子論

園觀察以書索詩爲壽

藁

旋以養歸讀家祭酒師祝嘏之文並

太夫人贍族記義實詞贍未嘗不歎立言之典而則太夫人之

懿媿

藁

所耳熟更信作者無諛詞受者無愧色女士之德舊史

氏之著錄均足千古矣又十年爲七十生辰太夫人之積德裕

慶與神明之固體履之健皆有加焉賓筵侑酒論園與其弟葑

莊都轉復徵

藁

之文

藁

少以駢體濫得名年五十受古文學於

青浦王先生琴德大興朱文正公稍通左史韓歐王紀事之法

此次不欲與祭酒文重出且稍自異以免後生相形之絀又樂
 可以直陳盛美無庸以浮詞代於是再拜言曰古無為壽之文
 有之自明歸震川始然震川頗自矜重下筆持擇嚴故其文與
 各體文並傳若藹與論園為古交其母太夫人之闈法陰德修
 於閨門信於邦國載於志乘彰於受絲綸真足以信吾之言也
 鄒氏世為丹徒望族至論園尊甫封資政大夫樸齋公勇於為
 善而名日躋家因之昌熾藹向為詩壽太夫人時未見新修之
 丹徒志也至是始讀之嗟然高望於資政公之砥行如金玉貽
 穀如山淵以為東漢所謂長德者於吾並世見之藹客揚州九
 年一帶水限輒與丹徒之讀書有志行者交言及資政公之為

善羣云公之嫡妻太夫人早逝論園之生母太夫人實佐之閱
日月久所聞無異詞且藹非徒得之所聞而實得之於所見也
憶庚申辛酉間與論園同官京師居相鄰史館下直過從無虛
日每見論園發家書必肅容跪讀且以示藹知庭誥甚嚴其副
則太夫人手諭無一言非仁術論園讀之肅然慨然以數千金
助水災之賑上慰善賤資如公卧外於前皆如外如外且中窺
聖人憂民之心下救三輔數千人之命內慰堂上報國分憂
澤物利災之願及資政公考終後論園眷戀蘭陔不肯復出丹
徒與揚州接壤華靡之習頗甚論園無京朝官飛輪肥馬之習
無江東子弟園林聲伎之好故得服先疇播穫菑畲以其所入

繼資政公為善以終始率太夫人之教而養其志娛其心俾耳目之間無不懌之聞見和樂吉祥體日強固此論園之孝實太夫人之教不衰於公卒之後故其子率教而昌其家亦即太夫人之所以壽也太夫人贍族事已見於祭酒文者茲不得衍而即新志所載稱是書賴資政公倡修於前督成於後微且中廢其他義舉更夥論園索文實以志先藁讀之竟日而歎百六十餘年來備國恩之蠲賑

宸藻之題詠與夫忠義節烈之事皆倚志以傳由是國家培養之厚東南風俗之淳斯民直道之公耆碩提唱之勇彰彰可考藁之文無一言之誣而見於篇者甚大真可以壽太夫人且

不止可以爲壽也因之以見

制誥褒崇與庠序清議符論園之素所述不誣其親如此

竊以

是言復於論園太夫人聞之當亦喜其子之能以順親者信友而勉進一觴也太夫人新見曾元矣齒益高教其子爲善益力餘慶益多他日更索所以爲壽者其不雷同當如是是爲序

賜進士出身

誥授中議大夫翰林院侍講學士加二級紀錄十次歷充日講起居注官總辦起居注事

實錄館纂修官

國史館纂修官總纂官

欽派補武英殿四

庫館空函書總校官詞林典故校對官

熙朝雅頌編次官辛

酉丁卯鄉試壬戌乙丑戊辰會試磨勘試卷官壬戌殿試收掌
 官乙丑殿試收卷官入直武英殿撰擬進 御文字甲子科廣
 西鄉試正考官分教乙丑科庶吉士前左右春坊庶子翰林院
 侍讀編修庶吉士癸亥大考翰詹一等甲子京察一等愚姪全
 椒吳鼐頓首拜撰并書

然與益參於月與... 其不雷同當收... 益為乳
 而... 一... 大夫... 其... 益... 其... 益... 益...
 其... 大夫... 其... 益... 其... 益... 益...
 歸... 崇... 與... 乳... 益... 益... 益... 益...
 不... 正... 以... 益... 益... 益... 益... 益...

景韓公七十壽序

春融寰寓瀛洲瑤草爭榮節近中和海嶠蟠桃漸放乃獻椒觴
而晉頌連旬久醉流霞絢綵舞以開筵瑤砌欣歌紺雪由來大
德萃百福以咸宜自昔安仁享遐年而可證葛稚川鍊丹之地
延齡况挹仙泉白香山結社之年預會尤崇國老如我

誥封中議大夫景韓先生者嘗溯其世系則東魯源流考厥家
聲則南徐闕閩紹奕葉簪纓之盛品式圭璋循歷傳仁厚之風
名高月旦黃叔度雅懷容物波濶難涓周公瑾善氣迎人醪醇
可飲惟鄰是卜仰止於光風霽月之亭與物無爭宅心於讓水
廉泉之地當其棄儒就賈青箱戀若故人濟美象賢白叟欽爲

小友暢吟懷於伯氏春塘之夢草長依憶簾唱於仲兄枯蟀之
遺珠並撫肯堂肯構每隨家督以肩承良冶良弓益煥新猷而
意愜時則尊翁先生雙橈五兩帆檣經甓社之湖潯暑嚴寒鞭
鐙策雷塘之路紀登覽於匡廬彭蠡江左右徧歷山川經險阻
於鄂渚衡山湖南北頻勞跋涉萬間蔭遠枌榆已仰輝光七策
籌殷逆旅猶甘棲息先生則板橋茅店霜月相隨沐雨櫛風車
牛載策思服勞而負荷獨任馳驅時相待以趨承還借昆季遂
使貽謀燕翼克延累世之箕裘因而荆茂棠榮益擴前人之緒
業且夫奢靡成習竭驕縱之欲則揮霍無慮囊傾鄙吝萌心際
切要之需卽涓滴猶虞卮漏所以塗椒示侈每慨石崇障簾懷

慙恒啗祖約先生則儉以自奉卽麤袍糲食以何嫌勇於好施
嘗指困贈舟而不靳佐善緣於尊長見義必爲襄巨舉於賢能
當仁不讓溯自歲臨丙午邑告災荒中田誰刈麥禾四野惟呼
庚癸愴饑蟬之飲露謀將粥設黔敖拯餓孳於翳桑免彼腹枵
靈輒裘成集腋捐糜則冷竈咸炊舉藉衆擎得食而窮簷盡飽
固已動扶梓里噓成大地陽春黽勉竹林同作萬家生佛又况
丁卯金饑之候汎粟無舟甲戌旱禱之秋舞雩空祝運香秔而
資平糶無令米貴如珠捐絕澤以助賑貧不翅金揮似土此又
同心濟困善不求名矢志急公積而能散者矣至若憫孤孀之
失倚恤嫠與保赤交殷嗟溝壑之長填施櫛與埋齒共厯慈航

濟險波濤涉而彼岸咸登丹藥回春沉痾蠲而長生有慶愛日
之負暄何異贈以綈袍良宵之安枕無憂施之蚊帳凡茲善舉
固更僕以難終同此婆心復交修而不怠况乃潔馨香以羞俎
豆念切崇先拓寢廟以奉宗祧情殷述祖萃遠邇親疎而孝享
春秋欲薦烝嘗合尊卑長幼以綢繆襄贊先勤夙夜瀧阡表德
崇階

錫累代以增榮仕籍書名晉秩勗後昆而報本此所以子穎世
兄殷勤式穀承提命以無慚奮勉服官冀顯揚而倍切漉沙作
賦鴻才已擬張融治莢宣猷偉績旋侔劉晏也今者祚開丙子
月紀春王爲先生攬揆延釐懸弧令旦年開七袞孫曾林立以

稱觴壽祝千齡里黨歡騰而製錦燦祥光於南極東山之裙屐
欣依瞻紫氣於西江北斗之宮垣幸接折梅枝而先春寄瑞百
花從此芳菲吹鳳瑄而寒谷增融六律由茲諧暢韶華正富堂
開錦晝以相輝絳甲頰增鶴紀仙籌而益笑佇看

龍章璀璨

九重褒更老之榮還占鳩杖扶持七葉肇鳳麟之慶謹序

賜進士出身

誥授光祿大夫 太子少保兵部侍郎兼都察院右副都御史
巡撫江西年家鄉愚弟阮元頓首拜譔

西平案廉愚策列元應首拜黜

大夫太子少將封馭兼階察烈

出長

更子之榮數古賦林梵梵小葉牽鳳總之奧藪


新傳錄

以琳戰林甲

華水鳳取而

西

壽



繼聲於王播飛霜積雪擬作賦於張融也茲際初春韶序正逢
七秩良辰爆竹聲中迭奏八瓊之樂傳柑節裏重斟九醞之漿
楸柳江邊交輝燈彩芝蘭砌上滿拂衣香萃四代之嘉祥全一
門之樂事稷也居鄰粉社誼托苔岑願酌酒以介眉遠隔西江
之水敬摛詞以拜手翹瞻南極之星佇看七葉衍祥游荷
龍章之炳煥行見百年引耆長扶鳩杖以恬愉謹序

誥授中憲大夫

欽命督理江西通省鹽法道兼管瑞臨袁等處地方前四川
東兵備道戶部山西司員外郎愚弟胡稷頓首拜撰并書

嘉慶二十一年歲次丙子孟春月穀旦

一 亥穴四年孟春月號且

東天制直可瑞山西匠員代順愚策防野匪首

號外書

大 晉世王西嚴省鹽主滋兼管崇嗣寔等良賦式補四

對中憲大夫

重之湖與許良百字何管具并賦并以部命


之亦如制編以朕手歷觀前跡之星外管小葉徐

之 賦山賦成賦賦賦賦賦賦賦賦賦賦賦賦賦賦賦

之 賦山賦成賦賦賦賦賦賦賦賦賦賦賦賦賦賦賦

之 賦山賦成賦賦賦賦賦賦賦賦賦賦賦賦賦賦賦

之 賦山賦成賦賦賦賦賦賦賦賦賦賦賦賦賦賦賦



蘇記

肇禋堂記

王文治

堂曰肇禋志始也圖始不同于守成守成循用舊規而已圖始則相陰陽籌經費其難百倍鄒君樸齋念先世以來未有合祀宗祖之所承尊贈公志卜地于郡城西偏創建祠宇以妥先靈鳩工庀材經營四載而後完先人之志旣成將集宗人以落之而屬余顏其寢室前之堂余爲書此額明鄒氏之有宗祠肇基于此雖然始之難守之亦不易許氏曰禋潔祀也一曰精意以享爲禋後之人明潔其心以享以祀因對越之誠思肯構之義繼繼承承勿替引之則斯堂也其卽楊氏之三鱣歟崔氏之德

星歟

附宗祠聯額

正寢室

愛存慈著

嘉慶庚申仲春月穀旦
其八世孫光國敬題

嘉慶五年歲次庚申仲春初吉

克儉克恭念祖考累世辛勤力敦古道

肯堂肯構願子孫居心忠厚罔替前徽

八世孫光國敬題

西寢室

繼德揚休

嘉慶庚申仲春月穀旦
元孫光國敬題



景韓公七十壽序

蓋聞方壺員嶠長生競說神仙洛社香山難老允稱人瑞養心
田之美種勝采芝英培性地之善根都成槐蔭羣羨堂輝紫誥
兼齒爵德爲達尊還欣庭舞斑衣合子孫曾而獻壽如我

誥封中議大夫景韓五兄大人嶧山舊裔京峴高門誦清芬則
科第蟬聯弄柔翰則才華鳳翥蘭陔日暖膳佐分甘荆砌風和
枝成連理聽祖考之彞訓圖匱於豐知稼穡之艱難去儒而賈
吳頭楚尾日侍晨昏齒輪蹄時承色笑念親遊之旣倦勉子
職而無虧涉關山以望雲眷庭闈而愛日姜家羣季被可同眠
汜水諸兒衣無常主薦馨香於祖廟禮勅尸蘭拓祠宇於宗祊

情深敬梓孝友咸推族望睦婣允協鄉評且也業裕素封意輕
白撰唾握笑持籌之陋祇是錢愚慕指困焚券之豪不爲財累
時解推於族黨嘗賙恤於里閭維揚州爲宜稻之區適旱歲有
無禾之告河遲汎粟野徧翳桑先生仁發乎心義形於色輸糧
以資平糶冷竈生煙煮粥以助賑饑寒簷負曝賴聚沙以成塔
等吹律而回春至於憐單戶之孤霜憫荒郊之暴露淒晨挾纊
免教抱犬而眠暑夜披帷弗慮飽蚊而卧招舟濟險匏葉無歌
授藥回生杏林爭種皆平生之善舉至今日爲美談宜其寵沐
國恩名登 楓陛爰以褒揚世德表揭松阡旣前緒之迺光更
後昆之垂裕令嗣子穎世兄牽絲筮仕理筴呈材煉玉量珠行

嘉慶五年庚申歲次仲春初吉

祖訓舊相承修墓增田奕葉雲祚延厚澤

孫謀今勿替報功崇德千春蘋藻薦專祠

元孫光國敬題

嘉慶五年歲次庚申仲春穀旦

盛德啟貽謀於春秋祀事之餘更瞻棖桷

孝思申合族感水木本源之意同薦馨香

闔族孫曾敬立

肇禋堂

昇平人瑞

欽奉

恩旨旌獎

誥贈朝議大夫鄒光

祖妻包氏五世同堂

嘉慶十一年

月穀旦

肇禪堂

嘉慶庚申仲春之月
王文治書

善行仁風

誥授中憲大夫知江蘇鎮江府事加六級紀錄
二次朱霖為 太學生鄒敏立
乾隆十八年三月穀旦

懋襄惠濟

特授中憲大夫知鎮江府事加四級紀錄五次
紀大功十次李世傑為 州同鄒光裕立
乾隆二十八年五月穀旦

誼篤維桑

太子太保文華殿大學士兼兵部尚書仍管兩
江總督事務尹繼善 太子少保協辦大學士刑
部尚書暫管江蘇巡撫事務莊有恭為 太學生鄒
光國立 乾隆三十年九月穀旦

守貞尚義

誥授朝議大夫知江南鎮江府事加五級紀錄
十七次鹿荃為 誥贈奉政大夫鄒文球妻節婦
楊宜人立 乾隆五十一年歲次丙午仲冬穀旦

仁心為質

欽命江南蘇州等處承宣布政使司布政使加
五級紀錄十次張誠基為 理問鄒文琮立 乾

隆五十七年歲次壬子二月穀旦

捷報匾

一 捷報 貴祠鄒錫淳以五經應嘉慶戊辰
萬壽恩科順天鄉試中式第十九名 署

鎮江府知府胡光林 海防同知霽所 糧
捕通判陳鴻壽 署丹徒縣知縣萬臺

嘉慶十三年九月吉立

嘉慶五年歲在庚申仲春之月

地傍東山禮樂詩書遙接聖門之脈

支延南渡睦嫻孝友廣開仁里之風

同里舊史王文治頓首題并書

嘉慶五年庚申仲春穀旦

月邁日征永念所生無忝

秋霜春雨常思用享維馨

闔族孫曾敬識

飲福廳

飲福

木豆竹籩馨安祖考

椒漿桂醕惠逮子孫

更衣廳

更衣

致心齊以齊春秋匪懈

非法服不服文繡有恒



衣德堂

衣德堂

嘉慶庚申仲春之月
王文治書

嘉慶五年歲次庚申仲春之月

蘋藻馨香看一堂祀事孔明特加隆禮

箕裘紹述知歷代宗功丕著大有傳人

同里舊史王文治頓首題并書


福綏堂

福綏堂

嘉慶辛酉夏五月穀旦
夢樓王文治

循彼南陔思事親而不匱

在茲東序宜念祖以聿修



樓下廳

地接宗祊靈栖北牖

春回律管暖泛東榮

茅元銘拜書

天香書屋

天香書屋


嘉慶辛酉夏五月穀旦
夢樓王文治

燕谷生春澤延奕葉

淮山啟秀香滿孫枝

長沙劉權之題

非太齋堂



李太夫人贍族記

吳錫麒

夫懷清築巴婦之臺椽斛表夫人之號自來風惠之播每以閨閣爲難蓋婦貴順從旣統乎所主坤爲吝嗇又限於所鍾若能廣贈佩之風嗣饋殮之雅潤流九族讓化一家則是魯姑行義之名聞乎與國鄭母贍姻之訓淑及所生闡德穆宣尤爲媿已有如鄒母李太夫人恭儉律已仁厚宅心春月乍生能知其和樂嚴霜偶感卽慮其挫傷每思推愛于人未嘗有忤於物故當事資政公樸齋先生也窺其陰德耳鳴之量察其豪情雲上之時早已植矩在心引和入抱及夫躬施禮教手約繩尺匡困資無之誼敦善樂義之誠功德水深咸資膏沐菩提樹大羣就蔭

芘亦旣遠鏗芬響近暢慈風然猶以爲未盡資政公之心也蓋
資政公四達八窓氣符于圓煦高掌遠躋度極其恢矣嘗溯水
源木本之思用求糾宗綏族之道於是譜亭有建昭穆明矣房
祀有修神靈妥矣惟念東崔莫振南阮常貧方將闢仁里于魚
川踵義莊于吳下統歸安宅如入化城日月其除有志未逮太
夫人仰惟成命益勵後人傳書有重於發楹繼志輒敦其肯構
會己巳春二月值太夫人六十誕辰令子論園觀察葑莊都轉
將治具張樂以謀祝延太夫人聞之矍然曰余踐冰迫淵惕乎
夙夜攻苦食淡長此歲月者亦思成汝父之志耳今葛藟未庀
其根而杕杜且嗟于道吾何樂哉汝誠能體我之心以慰父之

心則樊重之金分其竒羨陳崇之法藉以權輿縱未周乎厦庇
已得沾其波及豈不勝絃匏之繁奏屏障之邳張也乎僉曰唯
唯敢不敬從爰酌章程爰籌緩急時其婚姻之禮矜其死喪之
戚莫不樾陰夏逮卉雨春滋桃夭有新特之歡蓬科罕故鬼之
泣旣牲旣植以嘍以安燭照圓通神明淵注聖善之教仁壽之
符也比見枌巷稱觴蘭陔致語史巫紛若譎謾不讐又或膩鼎
腥砧供其宴樂漿酒藿肉逮乎僕從有違延福之理且貽殄物
之愆今太夫人超越凡情萌柢至行言貞于在耳而義愜乎由
心從此翔涌慈雲推被穆屬前旌啟路快從善之如登美意延
年信修德之獲報余故樂爲記之知他日耄耄迭臻康強逢吉

亦於是始基之已

亦於是始基之已

亦於是始基之已

亦於是始基之已

亦於是始基之已


亦於是始基之已

亦於是始基之已

亦於是始基之已

亦於是始基之已

亦於是始基之已



樊墓誌銘

樸齋公墓誌銘

賜進士出身朝議大夫國子監祭酒加一級錢塘吳錫麒撰文

賜進士出身資政大夫鴻臚寺卿前內閣學士兼禮部侍郎加

一級大興翁方綱書丹

賜進士出身中憲大夫內廷供奉其日講起居注官詹事府

少詹事邑人茅元銘篆蓋

嘉慶六年辛酉夏京師大雨彌月永定河決

天子恤災行惠發帑賑民自王公大臣以下各捐貲易粟以餼

餓者於是鎮江鄒君以子文煥之官工部員外郎也遣駛足賫

銀赴都命文瑛輸公以襄賑事余時在
於善也會廷議濬京畿護城河以工代賑
特命大臣經理其務而文瑛以司員隨往分路查丈相度得宜
駐工督役不辭勞瘁工竣蒙

恩議叙余時已乞養歸里聞之又歎其子之克勤於職而謂善
者之獲報宜無窮也俄聞君以疾棄養則又憮然惜懷然疑謂
福善之理其爽邪既而思之古來如虞經何比于諸人皆隱
不耀而子孫被其顯榮豈澤在百世者不僅酬於身邪然君惠
行於數千里之外而德著於一鄉之間卒之日宗戚里黨皆會
哭失聲曰善人亡矣夫至一鄉皆謂之善人是名之顯也身之

榮也。俛諸子孫其後也。然亦何道之脩而臻此。蓋嘗聞之於事親矣。父慧中公病偏廢。君奉事惟謹。厠牖之滌藥。裹之需必躬必親。家事以肩承之。弗累厥考。心令病者忘乎其爲病也。其所慰安。毋沈太恭人之心者。并令忘乎病者之爲病也。及兩遭大故。哀毀骨立。殮送以禮。人僉稱曰。孝由是而施於兄弟。則友愛著焉。慧中公生三子。長鮑叅。公季鶴。知公而君爲仲。平時卧起必偕。笑語從容。無間昕夕。每歌杖杜之詩曰。豈無他人。不如我同父。呼兒輩聽之。情媿媿不能已。迨鶴知公卒。遺三子皆幼。君撫之如已出。後其季子文琳。官山西宣武府知府。廉明有聲。君之教也。由是而施之宗族。則惇叙稱焉。鄒氏居潤三百餘年。

宗祠未建君創興之四年而葺功春秋享祀并得以飲食之禮
會族屬今城西大圍坊開閤翼然人呼鄒家祠堂者是也祠旣
成又念譜之不可不詳也乃別派分支手自考訂編纂成書以
合親疎以辨昭穆所謂尊祖故敬宗敬宗故收族者非孝子慈
孫而能若是乎逞者乙巳丙午間歲大旱大江南北赤地千餘
里嗷嗷之聲相聞京口又當要衝饑驅而來者襁屬不絕守與
令咸來諮君君首輸萬金行捨粥法於城西南各設男女二廠
與賢能者分董其事徵召有候褻散有方薪米之出入甑缶楸
勺之用皆有簿籍每朝曦甫動蠟衣蓬首踵接肩摩君以子身
督察其間至騰擁顛頓而不自顧跨年積月全活殆數萬人復

設施藥局以給病者故雖歷饑與疫而惟潤城內外人情怙然
論者謂是役也非君不爲功然而學校之不修也志乘之不輯
也書院之不復也抑又薦紳先生之羞也君曰吾任也乎哉吾
志也繚以崇墉作其泮宮於論鼓鍾矣旁求黎獻博采紀傳粲
乎典憲矣北固山麓舊有寶晉書院海嶽菴故址也草蕪不治
絃誦輟音郡守周公謀所以新之君與同里士大夫捐金助修
并建海嶽樓五楹高明洞觀羣峯圍合江光雲氣獻納窻牖披
蕪之暇繼以讌娛文章之味與山水俱長宜乎風俗美而人才
蔚興也夫居官者當事不避難在位者恤民之患如君者無斯
民之責徒以桑梓之故不惜劬身瘠己以任之轉使有位者樂

得之以爲助此其見義無不爲而當仁有不讓書曰吉人爲善
惟日不足謂之善人吾得而見之矣君諱光國初名書年字麟
有號樸齋世居丹徒生於康熙戊戌年二月十四日巳時歿於
嘉慶壬戌年四月初六日申時年八十有五太學生以子貴疊

膺請贈晉縣守風公指取以祿文錄與國里士大夫能金卹

封典焉娶丁恭人先君卒造室李宜人子四人長文璜候選布

政司理問次文瑗候選府同知皆丁恭人出次文璣工部虞衡

司員外郎次文瑞候選州同皆李宜人出孫九人長綸次捷俱

邑庠生曾孫五人將以十月二十一日墓于城西劉莊高驪山

枝之原而文璣以從余遊也來請銘銘曰

吁嗟善人何用不臧兮能豐於德而不嗇於所藏兮立愛自親
達之鄉邦兮旣甦彫劫亦有造於膠庠兮憶歲乙巳日余將涉
江兮饑民蔽野接淮揚兮雞斯徒跣淚浪浪兮風寒雪猛吹之
欲僵兮隔衣帶水若接之慈航兮薜荔爲席糜瓊以爲糧兮陷
齧嗽獲又沃以神漿兮陰德耳鳴過之若忘兮乃人之不忘視
彼甘棠兮願報以壽考子孫其蕃昌兮行開九秩疊荷
龍章兮凌雲一笑盍徂余於天閭兮不朽者石邪亮斯銘之共
長兮松邪栢邪庶仁風之永颺兮

誄辭

樸齋公誄辭

并序

乾隆甲寅之冬余視漕出京口得與王夢樓前輩遊凡京口之賢人君子無不耳熟其名鄒君樸齋其著也夢樓之言曰一切衆生在天壤間爲同氣受之厚者培之篤有能推此心以及於人人是物與我皆有裨也樸齋之於吾鄉素敦孝友聞善罔不爲其懿行不可殫述大率秉慈祥爲念篤其實而不居其名其殆得於善根者深耶余聞而心儀之已而樸齋之叔子文瓊來宦於京師余又得與茅耕亭詹事鮑雅堂民部及夢樓子佑庭因緣相見數數相過從醇謹撝謙又克守其官知其秉於庭訓

者然也嘉慶壬戌之夏文瑛聞其父喪鷄斯徒跣星奔而南未
遑致詞遣哀而人之自京口來者爲言文瑛昆季居哀盡禮又
言樸齋旣沒鄉邑士大夫下逮僧眈無少長咸咨嗟太息含淚
顰眉殷殷然其不能以少釋嗚呼哀哉其果何修而得此耶越
歲癸亥文瑛郵寄吳祭酒穀人洪編修稚存所撰誌傳見示其
臚實也詳與曩聞無異辭余惟爲善最樂爲善亦至難爲善而
能始終不怠其必有怡然自得於中而行其所無事者斯仁壽
之符也獨善兼善則曷有異轍哉樸齋潛德屏榮匪矜聞達而
年躋大耋福裕後昆其一腔惻隱之心與天地通矣夫實以誅
華文因誼著竊深爲感於斯民懿好之公而生榮死哀者之不


可義襲而取也爰爲之誄曰

黔雷宰運甌臯聚丸吾胞吾與厥義孔安云胡戚戚障麓盤桓
俛焉物化爾名已癡鑠彼哲人函冲秉粹率仁自親清溫習勤
爰用廣推錫類曷匱痼瘵饑溺此物此志迺由邑郡洎乎邦國
有子象賢克闡厥德揅災恤賑勞謙罔忒受祐自天以引大年
慕義如渴老而彌堅陽春溥博廣廈萬千怡情邁軸智周神全
我聞積善必有餘慶義範德華匪毫能竟康強逢吉亦旣響應
委謝寰塵庶全爾性嗚呼哀哉式稽曩昔亦侈素封毋鹽利濟
孔氏雍容好行其德汗簡炳蹤由今視昔有其過之邾榮厚志
遭此匡時履信葆光植義如滋陰德耳鳴不求人知豈繫市惠

圖報而施英英華譽遐邇以昭松心竹筠人欽後凋天不憖遺
丹旄飄颻里春撤聲雨泣風號嗚呼哀哉人亦有言杰士徇名
惟君績行無忝所生避名名隨月旦協評爾芝爾蘭爾芟爾萌
緝之有耀守也惟誠仁以爲任負荷匪輕匪輕伊何保赤屢顧
緝耀伊何友賢永祚繼繼承承式貞汝度嗚呼哀哉少微闇芒
兮耆碩斯恫典型如在兮萬喙攸同聞名慕切兮好惡之公矧
哲友之遺言兮實怍感於私衷累嘉德以敷辭兮紆令子之悲
悰偉金焦兮崧嶺浩海門兮日浴紅託豪素兮揚蘭風聲無盡
兮思無窮嗚呼哀哉

嘉慶癸亥嘉平之月越三日卽甲子歲立春日也

湖南謝振定拜撰并書



祭文

公祭樸齋公文

維嘉慶七年歲次壬戌四月辛丑朔越二十六日丙寅宜祀之
辰寅愚姪工部營繕司郎中傅綸岱劉若琛雷維霈員外郎明
信瞿曾輯康亮鈞主事趙承杰楊涵李向榮胡永煥陳鶴方應
綸黃璉虞衡司郎中栢克慎克星額阿林亨明孟東德員外郎
納新德慶隆覃圖敏英奎李世澁主事蘇當阿九德興麟德福
明德吳邦基雷學海李煥溫際清韓邦彥張之屏于定保楊景
誼方元鷗署主事德興都水司郎中敷森布榮德張世倬溫承
志員外郎王鳴球主事牟昌裕俞恒澤屯田司郎中文光扎拉

芬閭學涑胡德讓員外郎玉慶主事陳啟文朱祿彭純祖趙玉周廷授德文孔昭銘李培元等謹以清酌庶饁之儀致祭於

勅封儒林郎候選布政司理問

誥封中憲大夫候選府同知加二級

覃恩誥封奉直大夫工部虞衡司員外郎加二級紀錄四次樸

齋太老先生之靈曰嗚呼喬松在山蔭與雲崇流泉在谷潤與

海通碩德在野仁聞隆隆松折泉涸萬聲一恫哲人云亡悲何

可終我不識公公子同官公子在官業勤品端述公家法秉淑

自完行不敢側言不敢謾仰配顏柳家訓不刊公子在官上官

所知

帝聞其才河俾之治公與之書淬之勵之勉以報國位不可
尸三千里外如侍側時公子每言吾愧吾親吾親事親親不知
貧色養怡愉菽水閭閻親卒家起食不敢珍推肥同枝而儉其
身以公之材拱揖陶猗致身青雲誰曰不宜公有玉樹又有孫
枝公授以經俾以匡時公閱四朝林泉自怡公曰利物何必
朝紳谷風風人巖雨雨人公老林泉公德日新我不識公識公
鄉鄰鄉人謂公著手成春謂公孫子皆能文章公實昌之公後
以昌學宮書院古之膠庠公力新之以育俊良又修邑乘以佐
闡彰謂公八十眎聽聰明公能壽人太和將迎謂爾嫠耶吾全
爾貞謂爾孤耶吾育爾嬰爾渡危耶吾拯之生謂公陰德補造

化偏六次拯荒費鉅志堅昔在
 高廟五十一年鵠面萬羣鳩之而全衣之食之萬金立捐公德
 在人報在諸郎次第策名為邦家光治內治外用罔不臧叔子
 尤美卿材克匡培根加膏公餘以慶公福齊德而不期願又俾
 才子以憂去司道公子哀奠公一卮佐以韻語事實不支公福
 方來聽茲哀辭哀哉尚饗

皇以公之林林其賦則命姪良青雲請曰不宜公育王樹又育
 黃台養命... 蘇水閣... 卒家... 食不... 頌... 同... 其
 以三千里... 封... 公... 有... 音... 賦... 事... 賦... 不...
 帝聞其... 何... 之... 公... 與... 之... 善... 判... 之... 佩... 之... 煥... 以... 辭... 困... 並... 不... 何...

大雅公祭樸齋公文

維嘉慶七年太歲在元默闡茂夏四月宜祭日丙寅 賜進士

出身大理寺少卿軍機處行走愚姪錢塘章煦 賜進士出身

日講起居注官翰林院侍讀學士 咸安宮總裁愚姪休宜汪

滋畹 賜進士出身翰林院侍讀 實錄館纂修年家眷侍生

蒙古法式善 賜進士出身刑部江西司主事軍機處行走愚

姪鎮洋汪彥博 賜進士出身翰林院編修 實錄館纂修年

家眷侍生德清蔡之定 賜進士出身翰林院檢討 國史館

纂修愚姪遂宜張問陶 賜進士出身翰林院編修 實錄館

纂修愚姪大定邱勳 賜進士出身翰林院編修 實錄館纂

修愚姪全椒吳鼐 賜進士出身翰林院編修 實錄館纂修

姻侍生元和陳超曾 賜進士出身翰林院編修 國史館纂

修愚姪歙縣鮑桂星 賜進士出身翰林院編修愚姪全椒汪

庚河南道監察御史愚姪歸安費錫章 賜進士出身禮部儀

制司主事前江南道監察御史巡視南漕年家眷侍生湘潭謝

振定 賜進士出身刑部廣西司郎中總辦秋審處愚姪績溪

方體內閣侍讀軍機處行走愚姪山陰何金 賜進士出身內

閣中書軍機處行走愚姪新建曹德華 賜進士出身吏部文

選司主事愚姪上元朱桂楨刑部湖廣司員外郎愚姪大興王

大昕刑部浙江司主事愚姪江都張銘候補員外郎愚姪大興

王家鑫候補中書 實錄館校對愚姪上海曹江內閣中書愚

姪安東程元吉候補知府愚姪大興張森刑部司務愚姪長洲

李邦燮愚姪甘泉程壽齡江都胡昞等謹以剛鬣柔毛清酌庶

饑致祭於

勅封儒林郎候選布政司理問

誥封中憲大夫候選府同知加二級

覃恩誥封奉直大夫例晉朝議大夫工部虞衡司員外郎兼理

營繕司黃檔房料估所事務加二級紀錄四次太學生樸齋太

老先生之靈曰嗚呼哀哉陶徵士之逝縉紳爲之罷歌陳府君

之賢碑銘道之無媿况乎陰德活乎億人嘉穀貽之數世薦墓

門之芻束雲遠千山景隧道之松枝蔭棠三事將追國士之悲
收平生之淚盡此清尊侑以質誅舊矣恭惟樸齋太老先生通
才李宋至行陳荀考素履而金粹播德輝而玉新用其決事之
明可以貞百務本其述言之美可以扶雅輪而乃汲中泠以招
隱栖北固以遠塵遐心谷口澄境江濱除亭結夏葺宇賞春其
意固亦曰青雲鸞鳳赤日騏驎屬報稱於諸子不求達於吾身
焉其寄托自高經綸固裕德立而眎聽周行成而規萬具其大
者葺南宮之齋館書帶香生濬東園之泮池經城材樹所以尊
述作之林導雲霄之路也邑乘者圖脩乎形勢文具乎表揚採
摭隘而登矚無考編纂誤而文獻不詳于時聚梓材而儲富延

史筆而選良資一心之提挈存列朝之典章如河潤物如雨雨
人值儉歲之疊告見陰德之有真聞啼號不啻在已見疲癯宛
若切身白金千鎰青錢萬緡桑下之餓吾食之遂起溝中之瘠
吾掖之不淪美哉叔子稟其家法當冬官之分司值夏潦之驟
發隻手援溺兼金球乏破屋委波而竟搢勞魚赴濤而並活蓋
戴德者不徒曰大夫之好施而推本太公之仁術也於是三輔
頌其惠

九重知其才占利器於濬鑿試妙用於疏排忽聞憂而去職乃
飲淚而銜哀去都之悲暫羈夫驛足頽木之嘆各愴於素懷
等交於令嗣或共事槐階或聯吟藤舍於報績知其業勤於賦

煦

詩悅其志雅顏柳門範全述於趨庭富韓卿才將彰於贊化感
 孝子涕泗之漣嗟哲人典型之謝藹藹山春悠悠泉夜落日在
 隅緒風去舍芳行勒石遺經掃架華表歸鶴痛曷能刪滄海乘
 鸞靈應可迓尚饗

漢書不於曰大失之我故而歸本太公之寸流也故具三節
 矣其手對琳琳金對天好星委如所貴許笑魚扶壽而並舌蓋
 若辨之不倫美時以子真其來出當冬官之公后節夏幾之懸
 其田自白...子繼青於萬餘矣不之婚昔食之...步...中...
 人勤...
 其筆而...
 亦之...
 典章...
 而雨

公祭樸齋公文

維嘉慶七年歲次壬戌四月辛丑朔越二十六日丙寅宜祀之
辰鄉眷姪詹事府詹事王綬姻愚姪少詹事茅元銘姻再姪刑
部河南司員外郎袁廷極愚姪翰林院編修狄夢松戶部候補
主事史祐內閣中書趙佩湘顏允燦姻再姪候選大理寺評事
茅棟候選兵馬司副指揮汪吉雲袁壽候選直隸州知州嚴春
海安徽宿州知州陳洪緒愚姪原署雲南白鹽井提舉候選布
政司經歷吉士琛候選通判王槐慶山東金鄉縣知縣汪廷楷
山東恩縣知縣張秉銳浙江候補知縣胡培候選知縣姜鳳苞
張承緒候選府經歷汪元忻等謹以剛鬣柔毛瓣香清酌之儀

致祭於

勅封儒林郎候選布政司理問

誥封中憲大夫候選府同知加二級

覃恩誥封奉直大夫工部虞衡司員外郎加二級紀錄四次樸

齋先生之靈曰嗚呼星隕江天雲沉潤浦哭望天涯一朝千古

維公懋德式我邦土身歷四朝才權九府懿行徽猷筆難覩

縷公之先代世德作求昔在中葉泊然鮮儔公實奮興智慮孔

周伯兄季弟爰始爰謀善人是富天篤其勤壯志旣遂內行亦

聞維公誠篤孝本至性色養烝烝冬溫夏清將莫厥居宗廟爲

先煌煌祠宇先靈妥焉鳩工庀材莫爲之前旣歲乃事旁無所

緣維公雍穆友于彌摯取少讓多任難責易榮感田荆愛深姜
被族人困乏惟公是庇未有室家以遂其志倚柱而嘯飾粧以
遺殯殮不成獨肩乃事德不言勞與而非施維公仁厚義舉實
繁潛行衆善閔之不宣赤子寘冰呱呱待哺公謀撫字成全保
護嫠婦夜哭煢煢罔依公謀矜恤不寒不饑廢疾莫治窮而無
告公謀畱養聚藥爲療長江天塹風濤實憂公謀拯溺安穩中
流鬻序未宏風雨澌澌公謀載新百堵斯築齋因寶晉絃誦冬
春公謀重構人文日新丙子乙巳邑嗟薦饑流民遍野死亡繼
之公首倡議捐粟如坻爲粥待餓經營以時男女老幼各有等
差宵晝竭蹶靡事不爲全活無筭民無流離大府上名

天子曰咨優叙乃績賁以榮施公猶退讓不形於詞邑賴志乘
百年未纂鉅典就湮含輝莫顯公集縉紳網羅遺散視如已事
懃懃欵欵功被來茲豈曰淺鮮凡茲隱德匪徒勉行真力懇惻
發乎性情惟仁則榮施德必壽大耋旣臻康強如舊封胡羯末
齊影組綬異數殊恩及身疊授繞膝孫曾爭華競秀四世同堂
五福咸邁繼繼繩繩保艾厥後叔子英異驥首皇衢方之八
士其官則虞水潦盛降河決恒渠疏瀹是力安然委輸名動
九重感切比閭詩筆清妍無慚水部藤花吟館名流斯聚方慶
盍簪祝公受祜何意棟榦遽摧廣宇走也晚出夙仰圭璋或通
孔季或附潘楊或陪末坐或荷承筐長離永訣云胡不傷束芻

祭酒遙奠江鄉公其有靈鑒此馨香嗚呼尚饗



公祭李太夫人文

維道光元年歲次辛巳冬十有二月丁丑朔越十有一日丁亥
宜祀之辰戶部山東司主事愚姪張頡雲吏部文選司主事愚
再姪戴於義翰林院編修姻再姪汪琳戶部廣東司主事姻再
晚張灝內閣中書姻再姪陳書會候補兵馬司副指揮姻再姪
汪元輝工部屯田司郎中再晚朱廷杰候選知州前中書科中
書姻再姪趙志彤兵部武選司郎中愚再姪趙珥彤等謹以清
酌庶羞之獻致祭於

誥封太夫人鄒母李太夫人之靈曰嗚呼風淒蒿里月冷萱闈
鸞駟載駕鶴馭遄歸笄珈令範珩瑀遺徽薤歌朝露草戀春暉

維太夫人生於華族姆教聽從女箴嫻熟幼卽溫恭長而端淑
習禮明詩銘椒賦菊作嬪君子黽勉同心雞鳴有警鳳臧其音
宜家宜室鼓瑟鼓琴雝雝肅肅族黨咸欽境處豐饒力敦樸素
擁箒操作華飾弗務汲綆朝攜纜車宵顧克儉克勤動皆中度
摒擋內政條理秩然甲粢丙豆女布男錢蒯菅代匱蘋藻明虔
光益家道歷有歲年誼篤宗支情聯戚里問我諸姑詢余伯姊
撲棗恤鄰輟奩嫁婢羣奉女師何慚程史熊羆徵夢蘭桂含馨
金昆玉友二陸雙丁搗砧練素課讀燈青椿庭佐訓參九授經
偉矣長君英年綰綬京洛來遊虞衡典守水部推何屯田頌柳
厥有令名成之賢母元方應官季方侍親不愆溫清克承教言

謹正鹽筴式司牢盆聲譽並著難弟難昆母也倚閭伯兮歸省
願祝康強彌增榮幸恬退自甘華囂悉屏紗幔永依義方時秉
歲在闕逢禾槁江鄉乃申慈訓俾啟葢藏脫我簪珥傾我橐囊
歡騰比屋用慰高堂罕氏貸鍾鄰封所仰邗水盈盈尤稱接壤
粟早汎舟民皆屬繼畛域何分靈臺春盎凡茲懿行莫可殫陳
惠原迺吉壽必歸仁嘉貺用集諸福畢臻菩提夙果瑤島前身
七秩開筵安期獻棗

鳳詔騰文

鸞章煥藻申命用休永錫難老惟壽曰酬慈祥在抱潘輿誌喜
衛幕承歡泉香甘菊膳潔幽蘭駝峯炙紫鳳臆擘丹亭亭慈竹

日報平安孰意微疴竟成不起媮隕天池山傾女几杳矣循陔

悲兮陟岵合溯徽音永昭銘誄頤雲等同依桑梓忝附葭莩素

車莫挽彤管敬濡天風控鶴夜月啼烏神其來格俯鑒觴壺尚

饗無開發安

惠賦感吉壽必誠之哀顯風秉精詠畢難替對夙果無最前泉

粟早民庶天昔風雖念無所公靈臺春盎凡茲積行莫可戰則

燔烈出風風想高堂罕升登輪滿挂夜吟泚水益益大無封對

數亦閱發禾融玉像氏申慈順軒烟蓋難創非譽既歸走索靈

颯厥東遊瀾御榮幸孫慈自甘華露悉無條對永於義衣掛珠

蠶五盤葵友匡半益寧譽並香難策難具世也奇聞此令韻皆

詩

題鄒繼成姊丈小照

七律一首

余京

五十如君未易求向平婚嫁願全酬
春風約伴花間酒夜月尋僧江上樓
玉樹久成階下蔭蘭芽新見砌傍抽
畫圖早授長生

訣十載依然髻未秋

照係丈四十四時寫十載後始屬予題

題鄒繼成六兄小照

七律一首

徐時允

茶鐺棋局鎮相從一榻蕭然對遠峯
階下森森皆樹玉門前濟濟快登龍
采芝自可招黃鶴辟穀還須訪赤松
昨夜酒醒思解渴百花叢裡露華濃

題鄒繼成六兄小照

七律一首

張鳴臯

翛然杖履託烟蘿野服逍遙世外過
高隱清幽希水鏡壯懷磊落寄東坡
花間聚友談鋒健酒畔攜孫醉頰酡
種菊疎籬秋色好他時還與共高歌

題鄒繼成姊丈種蘭圖

七絕二首

余王京前齊

長晝茆齋靜掩門蕙蘭香氣滿琴尊
一春贏得閒消受南畝耕耘付子孫
九畹紛披滿苑墻移栽小盎近藤牀
碧紗帳暖爐烟轉午睡初醒夢亦香

題鄒繼成先生種蘭圖

七絕二首步前韻

吳標

疊石為墻竹蔭門崇蘭香動襲琴尊
移來庭畔添新露歲歲春

深長子孫

鴉觜親鉏近短墻半緣茶竈半琴床拈花微笑存真諦空裏氤
氲自有香

題姊鄒孺人弄孫圖

七絕四首
并序

余京

先慈張太君僅生姊及

京

太君未三十而寡時姊甫八

歲

京

纔三歲相依膝前極相友愛太君苦節三十年未

及見舉孫而逝今姊年五十諸孫滿前

京

亦兒女成列

皆太君節孝之報也展圖操翰重有所感因成四章

記得垂髫弟與舅同騎竹馬戲柴門何期彈指年俱老我課兒

兮姊弄孫

壯歲如予事已差齒牙搖動眼生花賦姿羨姊同松柏五十依
 然髮未華兼與景同齡世無幾門前賦戰詠年身不幾幾
 都完女嫁與男婚安坐閑看繞膝孫鞠育辛勤欣食報諸郎不
 負北堂恩
 墻外風鳶樹內鶯乍晴天氣近清明含飴正值佳時節深巷簫
 聲已賣餠

鄒樸齋先生八十壽詩

五排一首

茅元銘

東魯聲名儷南徐德器潛綿延推闕閱揖讓洽閭閻三老桓榮
 重羣芳謝傅覘慶餘因善積性靜覺神怡既幸鴻鸞早恒思鯉
 對巖從來仁者壽自昔豫由謙稠疊

鸞章賁更番鶴笑添八句逾矍鑠四世具依瞻奕葉蘭敷砌孫
枝桂拂檐因材培益篤履厚報何嫌恰喜嘉辰屆剛逢令序漸
花朝方鬪錦奠魄正盈奩習習祥飈扇遲遲愛日暹瓊瑜新舞
妙屏障大言爰玉盃澗淮酒晶盤黑白鹽歌諧音秩秩飲浹夜
厭厭介景詩篇詠鳴陰易象占神仙富貴合山水智仁兼世好
膠投漆重嫺玉映蒹蕪詞聊志祝舞綵瑞盈襜

輓鄒樸齋封翁

五古一首

莫瞻棗

燕山四月暮風吼寒氣生栗園忽過訪殘陽在簷楹入門向我
語語語嗟嘆聲同里鄒水部家訃遙遣伴乃翁八旬餘矍鑠如
錢彭春仲開壽筵夏首淪耆英我聞栗園語亦覺心忤忤去年

佐工正因識鄒子名學優品復潔服官秉至誠聞其承庭訓自立殊錚錚回憶廿載前路經鐵甕城城郭勢壯麗江山復交榮定當生偉人金焦并崢嶸歸向栗園問得聽月旦評文章若某某聲華聞上京政事若某某官跡光簪纓就中數隱德子獨未識荆叅谷溯遙胄門第高且清翁尤性慷慨義重黃金輕鼎新寶晉齋振興庠與鬻編纂潤州志搜羅富而宏疾者濟以藥饑者食以羹瓜步舟拯溺京口堂育嬰其他類如此惠澤周編氓大者江濟運挾沙暮潮驚壩內易淤墊修築費水衡恐民困力役力大能孤擎工興不勞衆蠲貸千萬盈大吏疏其事仰荷綸音旌覩縷語未竟使我心已傾今乃識其子

丹誥爲親榮施德必獲報天道原分明亦卽官虞部依然領工
程去秋濟河役從我河干行由秋至歲暮事事煩經營惟翁教
有素俾我工有成居憂辭我去相送難爲情作銘與作誄愧我
獨未精短歌語寥寥豈能概生平南望懷古道入遠長江橫

輓鄒樸齋先生

五古一首

法式善

鮑子

雅堂

與我交落落三十年酒酣出議論品隲人媿妍縷指及

鄉閭首述鄒翁賢謂翁有隱德翁若不知然我無緣拜翁南望
心拳拳鮑子攜遠客訪我城西偏入門識叔子矯比鴻鵠翩詎
料相思情已深未見先時復介鮑子索我西涯篇春雨藤花開
卜日張賓筵綠霧雜紅雲筆墨生新鮮苦吟得句遲明月東山

圓不飲心亦醉竹榻南榮懸樂事安能極歲月驚頻遷傷哉我
鮑子遽隕春風天君又抱哀痛令我中懷煎秋潦積昨歲壅塞
京兆阡上官奇君才特薦司導宣翁時寄書至謂宜持節堅一
旦解組歸萬姓誰周全嗷嗷畿輔民爭哭行轅前翁靈當有知
家訓郎能傳

輓鄒樸齋封翁

五律一首

鮑桂星

潛真大江上八十五年來處士一峯竇濤聲終夕哀星郎華省
客雨泣故山梅早晚瀧阡表榮施慰夜臺

輓鄒樸齋先生

七律二首

鮑文遠

旅櫬天涯淚未乾

遠將至都門家論山叔業捐館舍正提扶柩歸里

德星又見隕江干

共言福祉繩繩錫誰識貽謀事事難征鴈飛遲鄉路杳慈烏啼

斷暮雲寒自憐隻影長飄泊青眼何人尙復看

校書晨夕過從頻數載知公意最真公以邑志未修獨理其事嘗命達校讐萬事

讓人偏集祐一生無侮獨爭仁他年誰繼慈悲願公于里中善舉靡事不為

此日全歸壽考身多少公卿歌薤露不堪回首送征塵論園水部時於

都中聞訃南旋諸公致贈哀詞甚夥

輓鄒樸齋封翁四言一首 集陶

顧 莖

穆穆良朝濛濛時雨伊余懷人搔首延佇一解哲人伊何映懷珪

璋夙興夜寐厥族以昌二解望義如歸聆善若始樂以琴書冥茲

愠喜三解獨養其志爰得我娛淡焉虛止林竹翳如四解人生若寄

徂年既流之子之遠以寫我憂五解相知實難我求良友邈不可

追怛然內疚六解繁華朝起夕已喪之令音永聞匪道曷依七解熙

熙合音百代可紀貽此話言敬讚徽美八解

輓鄒樸齋封翁五律

四首

俞國鑑

百年徵上壽夔鑠地行仙正喜榮

丹誥何期返碧天高風懷海嶽古洞闕焦先江水茫茫白臨流

意愴然

大雅今淪喪叅軍與右軍

謂論山夢樓兩先生

悲涼方二老哀感又徵君

招隱留殘寺凌江鎖暮雲蕪城孤鶴唳歷歷夜深聞

冠蓋長安里吾憐水部才藤花敞吟舍槐市拓斜街憶昨桑乾

決曾資砥柱材那堪見星返爾足不勝哀

一卷青囊序流傳郭景純瀧岡鄰穎上丙舍卜江濱殊菊遲重
九寒梅黯小春有人齋鏡具會塋獨傷神

哭外舅鄒樸齋先生

五排
一首

張潮觀

富壽臻崇秩悲哀賦大招典型猶歷歷杖履已迢迢跨鶴尋滄
海騎箕赴碧霄名從今不朽德以遠彌昭丙歲遭饑饉庚呼望
黍苗指困捐米粟設厰給簞瓢餘惠周鄉校殊功感
帝堯 國恩加几杖

天語錫瓊瑤顯秩爭相羨謙衷實不驕仁心關庶類義舉逮崇
朝任恤憐孤寡承宗設廟祧藹如春日暖和似惠風調宴遠陪

千叟身親見 四朝九旬推上壽 諸子慶連鑣 嘉客停珠履 文
孫奪錦標 采芝方比皓 種秫已希陶 憶昔門楣選 蒙將姻婭要
東床纔見許 西席更相邀 置酒深情洽 鈔書逸興饒 鯉庭陪偃
仰鶯館共逍遙 玉潤心方愧 山頽事豈料 丈人星忽隕 君子樹
偏凋 一夜音容杳 千秋事業超 蓉城歸月馭 蓬島迓雲輶 甥館
花閒落華堂 燭暗消形神 傷寂寂笑語 感寥寥 總帳隨風動 麻
衣帶雪飄 新阡勞卜築 貞石費鐫雕 競作生芻獻 空吟獨酌謠
素衣清淚滴 常使暗魂銷

題鄒樸齋封公觀我圖

四言一首

鮑文逵

達人葆真君子忘 已惟公懋德反身循理以我觀 我孰此孰彼

遺像在圖神清如水誰其補之哲嗣叔子相視而笑默喻斯旨
流泉無競高山仰止泠然清風施於奕祀

題鄒樸齋世丈觀我圖

四言一首

應讓

孔子毋我顏子忘我大易觀我我於三才並立而可猗歟封君
欲仁在我孝友睦婣有右宜左民胞物與胥翼而卵活數萬命
施德則夥以教子孫如薪傳火資父事君象賢罔頗顯榮褒大
善因善果

題鄒樸齋先生觀我圖

五古一首

錢之鼎

真我不可見默契無相先以我觀我真不藉明鏡懸先生抱瑩
識虛靜含其天萬物等一體表裏無間然苦心憫饑寒全活濟

萬千欲化身外身比戶視危顛仁聲洽遐甸惠迪享大年當其
獨喻時我與我周旋太古山寂邃衆木成青煙浮雲過空淨皓
月隨波圓面目森匡廬橫側相連蜷妙會此中意嗒焉忘言詮

鄒母包太夫人六十壽詩

青鸞曲一首
效飛卿體

王文治

度索千遍桃花紅嘒音鸞鳥棲其中小瀛碧浪一萬頃扶桑羲
御朝曈曈長咽錦臆叢鈴鞞拂露撩烟青婀娜夙世曾修並命
因慧心合證生天果金母裁書報上元早陳麟脯待魚軒臨霞
更致殷勤語勅汝靈禽速將去遊絲晝暖碧霄閑自向罡風振
羽翰五色纏緹天半過人間遙作綵雲看

賀鄒伯母包太夫人

恩旌五世同堂

七律
二首

張師誠

名門福德應箕疇

丹詔輝煌下

鳳樓

孝治一人崇錫類休徵百歲肇貽謀桂蘭共舞瑤階鶴瓜瓞新

鑄玉杖鳩天鑒松貞宜錫嘏牀添象笏屋添籌

翟莠堂前靜玉塵熊羆膝下緩扶輪榆關早駐羣兒馬黍谷曾

回太守春晝荻風清彤管舊施蘿陰遠綺筵新
昇平盛事傳

江滸志乘他年頌里仁

鄒母李太夫人六十壽詩

五律
二首

鮑桂星

水部言歸後庭梅幾度花欵門書乍至將母意何賒山色朝浮

玉江流夕綺霞深深堂北樹三兩憩慈鴉

文章信餘事簪組亦微名祇此白華潔堪踰赤紱榮斑斕共余
季愛敬足天情為附歸飛鶴清吟侑鳳笙

大鄒母李太夫人六十壽詩

七律
二首

吳平藁

仙心佛性一身兼天姥峯高德水廉仁術助夫鄉國渥

樸齋封
公平生

善行甚富太夫人皆助成之

慈懷畀子

帝恩霑

論園觀察於辛酉年在工部時助賑得旨優敘

楹開玉綠

絲綸賁胸蘊金丹歲月添聞說起居登八座鍼神纂組尙親拈

福星諸道正需才豈有韋張寄草萊令子戀恩方繫馬佳辰啟

宴共銜杯三千桃熟春纔半十萬珠明月正開我亦陳情賦將

母花邊拜舞捧筮來

鄒母李太夫人六十壽詩

七律
二首

鄧暄

春暖蟠桃初熟時仙雲嘉會在瑤池起居入座庭森桂願養千

齡室有芝機杼教傳家政肅釜鍾澤厚國人知

封公暨令嗣歷
年捐賑饑民全

活甚眾太夫人
並極力贊成

皇恩預慶褒貞壽東海籌添日正遲

曾陪令子廁冬官

余與論園
同任工部

議政同心氣若蘭出守喜逢東道

主

余來潤州適論
園讀禮家居

造門常問北堂安仙厨饌進麟脩美萊綵衣

裁豸繡寬

論園議敘
即補道員

定卜

絲綸歌世掌

紫泥代疊五雲端

鄒母李太夫人六十壽詩

五古一首

汪庚

惟二月初吉盛德乘青陽甲居十日始乙啟萬物藏老人見丁
位天和司帝鄉是時介眉壽春酒南陔香恭惟太夫人積善垂
餘慶內政佐夫子家道浸以昌庭前雙鳳雛一天衢翔
鸞誥紫泥封三錫來

天章猶然衣不澣日勤機七襄睦嫺而任郵大開千斯倉至今
德門高清懿傳芬芳賤子交伯仲再拜曾登堂茅容有女膳出
之使皆嘗菖蒲醞清酒令節相持將我慚非佳賓慈惠安可忘
今逢燕喜辰莫由親捧觴江東望停雲弧南占瑞光巖巖雙峯

高浩浩春光長女士從孫子既醉賡詩章

鄒母李太夫人七十壽詩

七古一首
栢梁體

吳 蘊

萬壽錫福周埏垓春風所到先江淮德門壽宇流霞杯卯年卯

月天門開

說文卯象開門之
形故二月爲天門

絲言舊賜雨露培良辰闕閱氣佳哉太母溫粹珠玉胎葆初茹

和春滿懷善心如佛升蓮臺德水福源均無涯先資政公九德

該韞輝韜質金焦厓油油與物心自齋忠信那用機關乖城府

剷除生意諧陰行善事造物偕解紛濟急起白骸古道直升厨

顧階雨蘇枯槁乳飽孩造端九族姻郤皆爲之艱難折不回太

公仙去心未灰太母繼之門業恢推解質釧兼拔釵庭前玉樹

親自裁義方慈訓同化裁壚埴克成經世才郎官之設應星台
水部當劇羣力推卓立朝陽鳴鳳階辛酉大水三輔災更奉家
法襄綏袿拯溺傾鏹扶溝頽輦下歡聲高如雷優叙

恩旨頒天街惟母之教所從來天之報母亦孔廣韻傀大行

年七十頭未皚健飯却杖其背鮐家慶戢善孫枝佳夢驚吐鳳

童年纔福尾一道

帝需材才子戀戀笙南咳初度設悅天如措浮玉當戶青無羸

紅入桃萼青歸槐生氣流動麗景排銜桃青鳥金母差以佐八

座黃金壘

鄒母李太夫人七十壽詩五排一首

汪庚

憶昔岡陵頌籌添又十年壽徵天久定女德史重編門戶曾支
李禎祥特賜燕臺雲瞻璧合孕月貴珠連勤不徒蠶織功非止
豆籩富家閑有則育子教能專水部蜚聲早

金章渥旨宣元方誰與敵季野更爭先柱石多翹首台衡看比
肩巡春方秉節愛日願歸田德宇倫常樂偏隅歲序愆民饑難
問命人願可回天特奉高堂訓倡爲一郡捐千艘秦地粟百萬
郭家錢待活真無算延齡乃自然稱觥賡燕喜束素許鴻傳樗
廢洵無用苔聯殆有緣敢云常契濶而竟少纏綿寶樹千枝秀
紗帷百代懸再沿周甲祝巴曲染華箋

鄒母李太夫人七十壽詩

五古一首

張頡雲

三千年一實度索移桃華植之京峴巔爛漫春無涯南澗蘋水
綠秋月荻影斜于茂自儉約杜憲能柔嘉仁心豈畫地赤子皆
吾家太歲在闍茂細麥無輕花鴻鴈載飛鳴旁觀多咨嗟惻然
顧哲嗣黃金如泥沙春風吹鄉閭歡聲何喧譁德盛福自備食
報應不差仰視角亢星燦燦東方加

鄒母李太夫人七十壽詩

五排一首

茅潤之

試數瑤池侶羣僊會自豪琚搖上元珮瑯戛子登璈靈草披三
秀胎禽控九臯羊權鑲可贈園客爾親繅述異辭多幻搜神論
近高須知後凋質不藉駐顏膏琳閣星輝婺霓裳樂播叢七襄

攢

紫誥入座擁朱旄稚齒嫺閨訓笄年事俊髦蟠根種仙李蕢實
賦天桃椎髻裙裁布鞶絲帶束條鉛華都不御井臼却親操滌
澆晨調膳篝燈夜索綯蘭徵欣再見鈴夢獲重遭岐嶷森麟角
聯翩振鳳毛雙丁才並重二陸美同褒憶入薇垣直曾陪粉署
遨東華常接武西苑亦連鑣碩望推朝右詩人屬水曹九熊
賢著柳封鮓節欽陶共說官聲美都關母氏勞康輿勤侍養宦
海謝風濤此日臻稀壽躋堂晉玉醪亥祥符史筆甲第沸檀槽
恰喜門懸悅剛逢節獻羔柳縈青綬裊花向綵衣搔金奏鼉鳴
鼓珠槃豕執牢匙翻紅穉稬杯泛綠葡萄樂事良辰占餘輝賤
子叨葭苧新結襪槐棘舊同袍擬効岡陵頌慚揮燕許毫相期

三萬日稱兕樂陶陶

神膏同感與於何刻

楚水樂不梓半淑勝

蘇林及林蕭管樂建夏

命喜門然如圖發

蕭美味藥青紫鼻芬

新情風舞北日幾

寶香味桂節節


恐東華常姓友西

細聞疑鳳手變下

鄒氏宗譜

潤州鄒氏宗譜

卷之三



節烈時孺人傳

楊 棨

烈婦時氏儀徵人歸鄒君士荃爲筵室士荃賃居京口旗營內之腰刀巷道光壬寅夏英夷犯京口守將率旗兵閉城以自固禁居民出入城內洶洶烈婦知不免語士荃曰婦人惟一死義不可辱君伺間以出勿以妾爲憂城破夷匪蠶擁入旗營守將以下皆出走士荃欲行甫出門一火箭突來集于脛驚返烈婦猶從容使暫匿顧庭中有井奮身以入時六月十四日也先是舉家將出避將室內所有黃鐵白鐵諸器盡投井中森若矛戟烈婦自沈被創甚二女隨入復重疊壓于上城中婦女死者不一人此爲最慘云事定出屍以殮面目猶如生時見者無不嘆

異以一婦人明大義有烈士風其亦可以愧偷生苟免者矣有

司上其事得旌二文朝人鄭重疊風于土紙中

舉家出避禍室內視存黃繼白臉齋器盡其

醉箕容對曹習蘇與中官托奮良以入都大月十四日也表景

以不皆出後老荃火并甫出門一火箭突來巢于

不河暴昏同門以出於以妾臥憂地地火羽盡射人欺營古深

祭其其出人無肉肉肉然然不與請士荃曰誠人辦一

志烈區巷敢光于寅夏英夷張京口守張率賊兵閉地以自固

然報知刃海難人誠勝昔士荃無藝室士荃贊故京口

州翰然非器人卷三

一槩

論園公傳

先生姓鄒氏諱文煥字蓮浦一字論園江南丹徒人以例爲工部虞衡司員外郎兼營繕司黃檔房料估所事務晉卽補道官工部時年未三十邸舍有藤花一架花時結社賦詩會者有德清蔡之定陽湖洪亮吉大興翁方綱蒙古法式善錢塘吳錫麒遂寧張問陶諸公皆一時詩壇之選倡和之什都下傳誦以爲盛事然觴詠流連職司不曠兩督平糶督濬京畿護城河通惠河皆一一就理叠邀優敘嘉慶辛酉夏永定河決輸二千金助賑溫旨褒獎壬戌以外艱歸時新修邑乘草創已就未壽棗梨君校閱一過捐金付梓鄒氏創建宗祠甫經落成一切章程

未定君與族人立主奉祀參攷通禮詳定祭儀其族譜則一手
編纂及其成也閱者不能贊一辭皆承先志也服闋以母老乞
養遂不出乙丑戊辰甲戌邑中三遇旱災道光癸未丙戌辛卯
癸巳復四被水患君皆捐金助賑更勸有力者捐輸全活無算
初乾隆丙午江以南大旱鎮郡議賑君考首輸萬金甲戌之旱
不減丙午君亦率諸猶子首捐八千金有奇人以爲能世其家
考諱光國爲德於鄉人人推爲隱君子者也君見義必爲此外
如育嬰卹廢留養救生及襄贊一切興造事不可枚舉以連次
捐賑由道員部議加一級紀錄四次又以兩淮急公捐款加三
級 贈兩代皆資政大夫如君官前在工部請 馳伯兄文璜

爲奉直大夫至是復請 馳仲兄文瑗爲中憲大夫故事官三
品者封贈二代加級請封不得逾二品君援道光十二年新例
請 贈曾祖紹孔爲資政大夫三代秩皆正二品妣皆夫人鄉
里榮之以爲好善之報云君貌清臞日飲酒數觥餼米瀋兩甌
而已而神氣揚揚與常異無他嗜好惟嗜讀書躬自校讐至忘
寒暑藏書之富與天一閣范氏知不足齋鮑氏相勸年六十有
一卒子壽齡庠生能讀父書甲午余分校南闈得其卷賞其英
異惜薦而未售頃以狀來遂據其大要而爲之傳
論曰先生抱經世才官京師時父歿於里緣此矢志養母無意
軒冕優游林下以終其身論者惜其無豐功偉烈表見於時然

孝友任卹為宗黨式是亦為政貽令名於先人何必不傳卓行

於後世歟

賜進士出身

勅授文林郎知江蘇震澤縣事前翰林院庶吉士宛平劉榮桂

頓首拜撰并書

吳天一閣


而日而慨然思母之德與無所不盡其力雖不與資雖天賦博學六十有

里榮之以為我善之辨云昏與青顯日於西雙龍與米審爾福

前會麻隊其欲資煎大夫三升并骨五二品世骨夫人機

品香桂仙江外賦煥結捷不器能三品皆器數次十二平豫

然平道大夫是出前大顯射足文與為中為大夫姑事宮三



汪夫人傳

夫人姓汪氏 贈中憲大夫陝西延榆綏兵備道承紳公女工部虞衡司員外郎卽補道加四級鄒公文瑗配也生而端靜六歲失怙事母至孝十六于歸克盡婦職鄒爲吾邑右族家道饒裕而夫人不忘勤儉治箴盟操井曰無事不躬親之工部體羸善病嘗一病三載因之卞急易怒夫人事之惟謹不少忤意病賴以痊工部甫之官卽兩督平糶又督濬京畿護城河通惠河均以勤慎得優叙非夫人經理家政無內顧憂得以一心在公未克臻此工部好客座座上常滿京邸藤花最盛嘗邀諸名流結吟社夫人治具恢恢循整鄉人以應試就銓至京師者多主工

部僕從輒數十人客或經歲不去夫人始終執勤無怠色無何
工部以外艱歸服闋在籍養母者十餘年道光辛巳母歿有故
未得如期舉葬居恒鬱鬱夫人維持調度艱苦備嘗至乙未工
部年逾六十決意卜兆葬後所遭愈逆由是覲疾不三月卒夫
人一痛幾絕當是時發婦孤兒孀孀一室內外無所倚賴夫人
定識定力輕資財重倫紀卒得以安年來安居無事又連次舉
孫含飴足樂夫人兄子琳丁丑翰林由陝西觀察使擢任浙江
都轉忤來延爲西湖之游徧歷韜光雲林天竺諸勝而歸人謂
從容蕭暇頤養天和修德獲報固應如是庚子八月二十二日
以小恙不起享年六十有三夫人治家有法內外整肅無嘻噶

聲最惜物力一絲粟之細無不用其樽節而居心慈仁鄉里之中聞有疾苦者困乏者周卹備至不以煩數爲厭人有過惡事後卽忘從不宿怨御下以寬有不及之事必以情恕奴婢恒始終不易其人恩意周摯及其身兼及其家人歿後有行哭失聲者初封淑人 晉夫人子一壽齡庠生高淳教諭孫男三人壽齡與余少同里辛卯同舉優行就試省垣交益親頃余歸省以夫人狀來乞爲立傳余曰居安而不忘勞遇變而不失常可以傳矣遂據其大概傳而歸之

賜進士及第翰林院修撰李承霖頓首拜撰并書

與士大夫並列於朝李承業即首我朝共事

以魯矣後其大辯而論之

以夫人想來之為立得余曰錄安而不忘毀譽而不失節可

壽備與余心同里皆限同舉為錄兼為省臣交益賤則余誠省

者時使婦人... 夫人于... 壽備與余心同里皆限同舉為錄兼為省臣交益賤則余誠省

錄不長其人恩意固華及其良兼及其寒人與外其錄哭夫經

交明志益不容駭駭不以實言不反之毒心以壽勝賊較勝敵

中則有寒苦香因香風馳滿至不以錄獲魚相人有錄惡軍

登錄壽錄氏一錄粟之勝無不用其難論而錄心慈以錄里之



論園公墓誌銘

賜進士出身中憲大夫廣西平樂府知府護理右江兵備道加
三級隨帶加二級前工部虞衡司主事營繕司員外郎製造庫
郎中刑部湖廣司郎中掌四川道監察御史署工科掌印給事
中巡視天津漕倉事務提督四川學政兼翰林院編修充
典館總校官纂修官大興俞恒澤撰文
賜進士及第中憲大夫順天府府丞加三級前翰林院編修掌
山西河南道監察御史巡視東城戶科掌印給事中通政使司
參議癸未會試同考官錢唐吳清鵬書丹

賜進士出身奉直大夫戶部貴州司主事加一級乙未順天鄉

試同考官丙申會試同考官前內閣中書協辦侍讀同里陳書
曾篆蓋

余官工部時同部丹徒鄒君蓮浦少年溫雅德器粹然知非凡
品卽與訂忘年交君寓所藤花最繁盛花時同人觴詠其下相
得甚歡君歸余亦外用罷郡後每過京口必主君家見君顏色
之戚若有難言之隱知爲母柩未葬故無計慰藉不叩其詳去
年四月聞遂葬母之願爲之一快不圖緣是構疾殫殍綿延以
至不起今其子壽齡將爲卜兆以狀來乞銘其墓余知君最深
章微闡幽非余莫屬而君之死孝言之恐傷君心是以欲言而
不果言也悲夫謹案君諱文瑗字蓮浦宅旁有圃闢以奉母名

曰論園因以爲號會祖紹孔府經歷祖敏布政司理問父光國
隱居樂善一時有鄭當時原子思之日三世皆 贈資政大夫

兄弟四人君子次爲叔生而穎異喜讀書以體羸善病贈公慮
不任攻苦使循例就職爲工部虞衡司員外郎兼營繕司黃檔
房料估所事務甫到部卽得與陪奏畿輔兩次告歉先後隨工
部侍郎蔣公曰綸莫公瞻棗辦理平糶事宜男婦分厥無擁擠
者辛酉暑雨彌月永定河決 朝廷發帑賑災王大臣以下各

出資助賑君輸白金二千兩奏 聞交部議敘戶部侍郎高公
杞工部侍郎莫公瞻棗督濬護城河與之偕繼又與濬通惠河
皆以勤慎得優叙壬戌以外艱歸先是君甫贈資政公創建宗

祠落成卽歿君承先志與族人奉主入祠訂一切歲時祀享之儀族譜亦草創未就君攷訂編纂一手告成支系明核條例謹嚴論者方之蘇明允乙丑戊辰歲旱邑中平糶君旣輸金復專任其事措置裕如甲戌歲大旱君率諸從子署捐八千餘金以爲有力者倡邑人踴躍爭輸得醵金二十三萬有奇時郡守盧元偉邑令周以勲議設淖糜以待餓者君曰賑糜飢民爭食不免顛仆且便強壯不便老羸賑必不均不如計口給錢爲愈從之饑民便甚道光癸未迄癸巳十年中江水橫溢者四沙戶被災尤劇君輸資助賑始終不倦賑皆給錢用君前議也邑乘待梓君獨自料理不假他族而新廟學拓書院建考棚濬城河以

及育嬰卹癸救生留養諸善舉無不捐金贊成其勇于爲善如此君宦情最淡爲郎時年未三十迨進秩道員以疊次捐賑及兩淮急公輸金連加四級人方期其遠到乃乞養老母終無出山志事兩兄惟謹幼仰乳于某媪而媪實無乳賴伯兄發其奸始免于厄仲兄于其授書時曾教之句讀兄歿每與子姪輩談往事淚未嘗不交睫也旣以已秩先後爲請 馳封復手爲立傳刊入家乘居鄉非公事不妄見客閉戶校讐書史與二三有品學之士稱詩量酒以自娛卒年六十有一時道光十五年九月二十五日去葬母未半載也配汪氏

封夫人筵室黃氏子壽齡庠生女適仕族孫祖望以二十九年

九月二十六日葬于城西烟燉灣五州山之阡

銘曰壯歲解組眷戀高堂中年不出待表瀧岡葬親五月隨侍

北邙江水茫茫雲山蒼蒼我心悲矣人之云亡

葬既入窆矣哉嗚呼公事不妄良客閑可外營書史與之三

世應飛沫嘗不交鄰也猶以古葬次與為諸葛觀桂樹手無立


命象于冥軒足于其製青都會慈之何歸足與與于致請為

山志建兩派對蘊也四序于其嚴而嚴實無非陳師足發其我

兩洲念公歸金數賦四縣人古賦其數性氏之養李母絲無出

北昔宜壽其為益假御平未三十餘歲其數員以疊太其數又

天有嬰地發也生留養請舉無不具金贊知其畏于為善也



梅村公墓誌銘

賜進士出身通奉大夫江西布政使司布政使年愚姪趙炳言
撰

賜進士及第資政大夫南書房行走戶部左侍郎提督江西學
政通家愚姪吳其濬書并篆額

道光戊戌秋太翁梅村鄒公壽終於潤州里第次君觀察錫淳
使赴於余越一年以行狀來屬銘隧道之石余與觀察同年並
同官比部交最善知太翁生平爲最詳誼弗敢辭也按狀公諱
衍慶字振宜號梅村江南丹徒縣人世有隱德祖光裕州同知
父文球皆累贈至資政大夫公生而已孤資稟特穎異讀書

十行並下母楊太夫人督課綦嚴顧體孱多病大父獨憐愛俾
棄舉業學治生以是不應試乾隆乙巳歲大祲郡紳蠲振食餓
者自冬涉春粟垂盡而民間嗷嗷未已公承楊太夫人意變產
得數千金又多方稱貸展振一月而家益中落遂赴淮南業蹉
尋受蹉使佶公知充總商及在漢口經理岸務十餘年復受蹉
使阿公知充匣總或謂公子孫衆多當及此爲封殖計公謝曰
聞諸古人子孫賢而多財能損其智愚而多財徒益其過吾客
遊已久不免失教肯以儻來物益吾子孫過耶觀察君旣貴諸
子亦相繼列庠序旋里之日行李蕭然觀察君歎厯仕途諄諄
以急公忘私爲訓理精識邃聞者賢之平居務勤儉而調卹族

戚無微不至凡足跡所屆拯災濟厄必力贊以底於成蓋天性
好善如此易曰積善之家必有餘慶洪範曰身其康疆子孫其
逢吉觀公之年臻大耋祿養榮辱則天之所爲報施者如是其
不爽也以觀察君之政績顯著一門簪笏蒸蒸未艾則公之所
爲詒謀燕翼者又如是其大而遠也足以傳信於後而爲楷模
焉矣公歿於道光十八年九月初六日距生於乾隆二十一年
八月初一日春秋八十有三先由太學生捐府同知以郡振事
蒙

恩議敘加知府銜以川楚善後事宜

誥授資政大夫議敘塩運使司塩運使元配嚴夫人繼娶蔣夫

人大夫子六錫朋布政司經歷次卽觀察君嘉慶戊辰舉人官
刑部郎分巡河北淮揚兵備道錫華附監生布政司經歷錫九
道光壬辰舉人候選知縣錫多錫嘏議敘八品銜女四人皆適
宦族孫十五人道林廩貢生直隸藩庫大使增毅祖培通判儘
先選用增譽太學生增惠布政司理問增齡郡廩生增度增輝
增培增祥增榮增豫增信增懋增莖曾孫八人寅亮祁生桂生
連第連魁蘭生榕生莒生以
年 月 日葬某鄉某原銘曰
于公之門駟馬駢闐何以致此繁在德焉幼而癯弱迺獲大年
左右圖史頹仰林泉蘭亭碑帖臨池灑然清風厚澤永作家傳
植本也裕得天者全銘辭無愧視此崇阡

公眉公墓誌銘

賜進士出身光祿大夫太子太保兵部尚書兼都察院右都御史總督兩廣等處地方提督軍務兼理糧餉加三級侯官林則徐撰文并書丹篆額

道光二十九年鄒公眉觀察之子祖培以君之卒赴余於滇並狀且乞銘余痼疾方作未能應繼念君有德於淮揚人莫如堰盱工而是役也余實在江南與其事知其勞甚備知君者莫如余深固不可卒辭按狀君姓鄒氏諱錫淳字公眉鎮江丹徒人曾祖光裕祖文球早卒配楊夫人以節孝旌考衍慶乾隆五十年罄產賑饑賞知府銜助川楚軍興加鹽運使司銜資政

大夫 贈三代配嚴夫人繼配蔣夫人生六子君次二幼從王
夢樓吳穀人兩先生游文詞書法皆有師授中嘉慶戊辰科舉
人補國子監學正援例分刑部郎中 記名軍機章京而本部
奏留補奉天司郎中 記名御史道光三年 授河南河北道
沁水自山西經豫省入河會王屋諸山水泛溢爲害恃武陟一
隄然隄費皆民出官辦工費不實屢潰病民君一委之民而沁
水遂不爲害建安昌書院增設膏火政聲著聞以在刑部失察
事左遷蔣相國攸銛惜之奏以同知銜查直隸河道而兩江大
吏又以督辦高堰請且赴上海籌海運事宜君旣與方伯賀公
長齡規畫詳定卽赴天津交卸海運糧石 賞加知府銜 召

見授淮揚道是役也海運船一千五百糧以石計者百五十萬
其事在 國朝爲創行無可循放綜理周密君謀居多其任淮
揚道也當道光四年後高堰決湖水弱不濟運萬君承紀創灌
塘法君贊成之今以爲便復請塘開替河互灌備火及審汪旁
草闌東各建函洞務以弱黃強清法益大備而堰盱之石工土
堤皆加高培寬先事弭患後雖洪湖盛漲未嘗溢堤淮揚人至
今恃爲保障時卓異將入都復以失察廳員鐫級歸里未久而
馬棚灣決制府陶文毅公澍奏調赴工事竣卽引疾歸而文毅
終奇其材適淮北改票鹽法卽奏君履勘情勢君因地制宜獨
任勞怨張設綱目鹽果大銷文毅復以入奏 天語褒寵將復

起用以親老不行君爲人強力任事而開敏有深識官刑部時已羣服其能每 欽使出必請偕往所至直隸山東河南陝西

甘肅凡五省而甘肅至者再焉其姓名固久達於 上矣才高

忌多屢起屢躓後遂絕意仕進奉親終老家居以振財濟物爲

樂道光二十八年十一月十九日卒年六十六配張恭人子增

毅早卒祖培同知銜候選通判增惠同知銜增度縣學生女二

人孫五人以 年 月 日葬於 鄉 原銘曰

君在刑曹英聲嶽起杜律三千盡通他比信臣曰材副我驅馳

歸告

天子畀以監司東南兩河治績尤峻沁水緩波漕綱順進 十廷

召未入爲人受瘥解韜去帙奉親婆娑大吏曰嘻能不我助創
始實艱仗此廉護轉粟於海票鹽於淮陶公創之俾成於謀君
謀孔多不利已私有 詔復爵以親爲辭家林優游利賴鄉里
埋辭奠幽餘慶靡已

